



75.66
37



明

詩

紀



陳氏叢書
聽詩齋藏

時至建文龍戰玄黃禁遭革除幾同閔位今錄殉節諸臣詩
冠於永樂之首所以雪十族駢死之沈寃闡千秋正名之宏
旨也高皇雄猜誅戮勳臣波及文士再經靖難之厄海內英
流僅有存者文皇右文頓改初政刀礪之餘從事樽俎永宣
以還沐浴膏澤和平擘緩之音作而三楊臺閣之體興然東
里文集兩京類稿有文無詩微尙可知扶輿蘊靈風雅代興
在朝則巽隱琴軒泊菴青城昌祺士昂孟仁松雨敬軒白沙
壽卿元登老葵在野則葵邱鳴秋孟熙均不愧作者自建文
至景泰得詩二十二卷題爲乙籤以次授諸梓人云光緒甲
辰孟冬黔靈山樵陳田

光緒甲辰貴陽
陳氏聽詩齋刊

明詩紀事乙籤目

卷一

方孝孺 十一首

練子甯 三首

黃子澄 一首

黃觀 一首

卓敬 一首

王叔英 一首

周是修 五首

茅大方 一首

胡閔 一首

劉璟 一首

鄭居貞 二首

方法 一首

胡子昭 一首

卷二

程本立 十五首

陳繼之 一首

程通 一首

楊任 一首

石允常 三首

蔣兢 一首

魏澤 一首

王紳 二首

卷三

姚廣孝 十六首

楊士奇 八首

楊溥 八首

樓璉 一首

葉惠仲 一首

高遜志 十三首

龔詡 三首

唐愚士 八首

解縉 十二首

楊榮 十六首

卷四

胡廣 三首

金幼孜 六首

黃淮 一首

嚴震直 一首

李至剛 一首

葉砥 一首

應諤 一首

卷五

陳龜 十首

鄒緝 一首

王洪 二首

胡儼 七首

夏原吉 一首

黃福 一首

張統 一首

劉季篔 一首

姚友直 一首

周宗璫 一首

錢仲益 六首

王璫 十首

王達 三首

王景 二首

曾烜 一首

吳溥 一首

高得賜 四首

卷六

王紱 十六首

謝縉 十四首

虞謙 三首

馬軾 一首

金湜 二首

謝庭循 一首

蘇伯厚 二首

黃守 一首

趙班 一首

鄭本忠 三首

陳繼 一首

趙迪 八首

陳登 一首

陸駟 一首

俞行之 一首

吳餘慶 一首

姚徽 一首

杜瓊 一首

沈恆吉 一首

卷七

梁潛 二十三首

李孝謙 一首

林環 一首

鄭關 三首

鄭瑛 二首

李孟璿 一首

王誼 四首

沈遇 一首

沈貞吉 三首

劉珏 一首

梁混 一首

李悌謙 一首

林珪 一首

鄭閻 一首

鄭珞 一首

李季衡 一首

王懌 三首

陳叔剛 一首

陳叔紹 一首

陳仲完 一首

陳寬 二首

陳完 一首

唐庠 二首

唐廣 一首

徐章 一首

徐震 一首

蔣主孝 四首

卷八

曾榮 七首

周述 二首

周孟簡 一首

王直 十五首

王英 七首

章敞 一首

余學夔 一首

章樸 一首

卷九

陳敬宗 七首

李時勉 三首

周忱 一首

李昌祺 十四首

張徹 三首

王恪 一首

羅亨信 三首

羅汝敬 一首

楊勉 一首

熊直 一首

卷十

魏驥 一首

林長懋 一首

陳全 三首

謝瑾 一首

曹閻 一首

薛常生 一首

劉髦 一首

黃暘 一首

錢習禮 一首

熊概 一首

黃壽生 一首

馬鐸 一首

黎恬 一首

黃澤 二首

劉咸 一首

陸祥 一首

卷十一

陳循 二首

李茂弘 一首

高穀 二首

蕭儀 三首

林實 一首

林誌 六首

余文 一首

陳鎰 三首

林純 一首

王遠 一首

陳輝 八首

許彬 一首

牟倫 一首

張居彥 一首

李騏 一首

吳源 一首

金誠 一首

林真 一首

劉鉉 一首

于謙 五首

萬節 一首

鄭述 一首

俞山 一首

卷十二

薛瑄 十六首

周敘 一首

尹鳳岐 二首

習嘉言 一首

黃閏 一首

曾鶴齡 二首

劉球 一首

陳中 一首

唐寅 一首

張楷 二首

吳與弼 二首

陳獻章 十五首

莊景 四首

卷十三

瞿佑 十三首

鄧林 二首

平顯 十八首

郭文 二首

唐文鳳 三首

陳亢宗 二首

陳景融 一首

鮑仁濟 一首

李進 二首

錢遜 一首

張振 一首

錢暉 二首

余吉祥 一首

袁鑑 一首

吳鎮 二首

羅紘 一首

卷十四

劉績 十一首

偶桓 六首

郭塵 二首

施敬 四首

鄭嘉 一首

毛鉉 一首

蔡庸 一首

李勛 一首

張璨 一首

朱純 一首

鄧定 三首

高壁 一首

高廩 一首

韓永 一首

陳顥 二首

張懋 一首

許穆 二首

岑琬 一首

馬景約 一首

張宥 一首

張羽 一首

卷十五

劉廌 三首

郭登 五首

沐璘 二首

高 卷十六

馬愉 一首

吳惠 四首

林文 四首

薩琦 一首

毛宗魯 一首

鍾順 二首

郭武 一首

沐昂 一首

王清 一首

蕭鏹 三首

徐珙 一首

李棠 四首

方熙 一首

范理 一首

徐有貞 四首

卷十七

李賢 一首

劉定之 二首

王偉 一首

李嗣 一首

施槃 一首

張諫 一首

成始終 一首

祝顥 一首

呂原 一首

韓雍 一首

周旋 一首

程思温 一首

林璧 一首

戴瓚 一首

倪謙 十四首

楊璿 一首

張和 三首

劉儼 一首

黃諫 二首

卞榮 一首

沈彬 一首

陳汝言 一首

商輅 一首

葉盛 十二首

卷十八

王佐 二首

岳正 二首

夏寅 二首

鄭文康 二首

尹旻 一首

柯潛 六首

盧祥 一首

金溥 一首

周洪謨 一首

劉昌 一首

彭時 二首

黃紱 一首

劉珣 一首

王常 一首

張城 一首

王俱 一首

童軒 十八首

楊守陳 一首

王越 二首

王佐 二首

吳宣 二首

汝訥 二首

卷十九

徐溥 二首

邱濬 五首

張甯 十三首

周瑛 三首

易貴 一首

何喬新 五首

李裕 五首

段堅 一首

謝省 一首

康麟 二首

彭華 一首

陳政 一首

杜庠 一首

彭澤 七首

黃瑜 一首

卷二十

劉溥

四首

景泰十才子

湯胤績

三首

蘇平

三首

蘇正

一首

沈愚

四首

晏鐸

二首

王淮

一首

鄒亮

一首

蔣主忠

一首

王貞慶

一首

卷二十一

魏時敏

十七首

趙不易

一首

湯琮

一首

陶甯

一首

邱吉

三首

賀麟

一首

姚綸

一首

陳昌

二首

蘇大

一首

陸琦

一首

李幾

二首

懷悅

一首

朱翰

一首

周瑾

一首

倪光

一首

章珍

二首

黎擴

一首

張淵

二首

蔡昇

二首

范麟

一首

卷二十二

聶大年

十六首

王達

一首

劉泰

五首

馬洪

一首

劉英

二首

劉師邵

六首

錢洪 一首

趙宗文 一首

陳贇 四首

楊軾 一首

汪敬 一首

沈宣 一首

應律 一首

羅宜 一首

潘寶 一首

黎近 二首

徐琦 一首

徐璉 一首

明詩紀事

乙

貴陽陳田輯

田按紀建文朝事者鄭曉吾學編何喬遠名山藏吳
士奇副書陳繼儒史待尹守衡史竊朱國楨史黃
佐革除遺事高璧幽光錄袁祥建文私紀孫交國史
補遺張芴備遺錄何孟春續備遺錄馮汝弼補備遺
錄陳洪謨革除編年許相卿朝志陸時中端文逸
史王會野史劉琳附錄屠朝野彙編宋端儀
革除錄林塾革除史補錄袁朝遺忠錄杜思革朝
遺忠錄鄭應旗革除朝遺忠錄汪宗伊表忠
徐即登建文諸臣錄趙汝元遜國節錄錢士升表忠
錄趙士錫王午書朱驚建文書法擬劉廷鑾遜國之
紀陳仁錫王午書朱驚建文書法擬劉廷鑾遜國之
際月表曹參芳遜國正氣紀周鑣遜國忠紀周遠令
讓皇本紀高世豐盡心錄余美英遜國忠紀周遠令
於地道出亡之說惟姜清秘史諸臣行遜詩附逸史不
為所蔽諸家所紀惠帝出亡及後詩云牢落西南四
此以志存疑之義焉惠帝出亡及後詩云牢落西南四

十秋蕭蕭華髮已盈頭乾坤有恨家何在江漢無情
水自流長樂宮中雲氣散朝元閣上雨聲愁新蒲細
柳年年綠野老吞聲哭未休又金竺長官司羅永菴
題壁二詩云風塵一夕忽南侵天命潛移四海心鳳
返丹山紅日遠龍歸滄海碧雲深紫微有象星還拱
玉漏無聲水自沉遙想禁城今夜月六宮猶望翠華
臨閣罷榜嚴磬懶敲看黃屋寄巖標南來瘴嶺干
層迴北望天門萬里遙款段久忘飛鳳輦來瘴嶺干
衮龍袍百官此日知何處惟有羣鳥早晚朝馮翁詩
云夜夢何奇特龍飛無損鱗朝橫滄海曲夕過滇池
濱光雩皆五色蛇蜒無損鱗今猶在宮闕趨蹌事已
旻蘇竹山人詩云山河形勝今猶在宮闕趨蹌事已
非冀野風生雙虎關咸陽火起一龍飛傷心何忍聞
黃詔稽首無緣見袞衣擊石獨懷千古恨仰天血淚
不勝揮萬州老僧詩云十年依佛國萬里走天涯舊
主無尋處孤臣敢問家何心嬰組綬有血滴袈裟寒
食魂應寂悲歌愧五蛇至袁敬所題淵明五柳圖詩
見之貢玩齋集牧齋列朝詩竹垞詩綜均失考余刊
其誤附著於此

方孝孺 十首

孝孺字希直一字希古臨海人洪武中以薦授漢中
教授建文中召為文學博士靖難師入召草詔不屈
死有遜志齋集二十四卷

四庫

總目孝孺學術純正而文章乃縱橫豪放頗出入
於東坡龍川之間蓋其志在於駕軼漢唐銳復三代
故其毅然自命之氣發揚蹈厲時露於筆墨之間燕
王篡立之初齊黃諸人為所切齒即委蛇以求活亦勢
不能稍遷若孝孺則深欲藉其聲名俾草詔以欺天下
使稍稍遷就未必不接迹三楊而致命成仁遂湛十
族而斯集固懸諸日月不可謂買金石動天地矣文以人
重則斯集固懸諸日月不可謂買金石動天地矣文以人
吾學編皇太子即位廷臣交薦孝孺侍講筵備顧問
孝孺德望素隆一時倚重上好讀書每有疑卽召使
講解臨朝奏事臣僚面議可否必命孺就展前批
答孺顏細聽天語揮毫久攜得香煙兩袖還又曰風
滿龍庭尚薄寒御爐香遠玉欄杆黃門忽報文淵閣
天子看書召講官
南濠詩話方正學先生集傳之天下人人知愛誦之

但其中多雜以他人之詩如勉學二十四首乃陳子
平作漁樵一首乃楊孟載作又有牧牛圖一絕亦元
人詩
夢蕉詩話方孝孺過嚴子陵釣臺長短句云正人先
正己治國先齊家如何廢郭后寵此陰麗華糠之
妻尚如此貧賤之交安足擬羊裘老子早見幾獨向
桐江釣煙水直於子陵心說出宋詩不及於唐固
也或者矮觀聲伏併謂不及於元是可笑歟正學論
詩云前宋文章配兩周盛時律亦無傳今人未識
崑崙派卻笑黃河是濁流天難詆熙豐作後塵排
習祖唐人粗豪未脫風沙氣難詆熙豐作後塵排
田按希直文章淵源出於宋景濂而學術純正則
之姚江明儒案云濂氏尤甚不入於二氏希直以
道者莫過於二氏而濂氏尤甚不入於二氏希直以
之學祖也誠為確論而濂氏尤甚不入於二氏希直以
臣幾盡使得一確論而濂氏尤甚不入於二氏希直以
師孰勝孰負未可知也希直送誠伯孫士端歸括
蒼詩云海內只今無盜賊幽州與兵機邦國廟堂謀
議豈無人我懷中丞淚沾臆嗚呼志士古所稀留侯
武鄉今是誰九原招公僕可作爲解四海蒼生危蓋
亦有慨於是誦漢祖
猛士之歌同茲三歎

閒居感懷 一首

乘時功易立處下事少成君看蕭曹才豈若魯兩生賢豪志
大業舉措流俗驚循循刀筆間固足爲公卿
習俗日頽壞疇能塞其源自從井牧廢開此爭斂門救弊豈
無術得君方難言田間一卮酒踞酌蒼梧魂

次王仲摺感懷韻

隆中有一士卓然古天民長嘯六合間草昧思經綸寸心如
白日可破萬古昏所遇雖不諧餘輝尙暎暎使逢高光主禮
樂甯沈湮惜其遺書亡大志人罕聞如何狗利子於道不知
真卑卑章句中徼祿求潤身可貴不在位可賤不在貧無取
一時好當作千載人

郭西精舍士友同宿

淹懷終歲思幸際清宵會情深新喜集語愜孤愁退離居積
頑鄙處下多尤悔倦翮謝騫騰羈蹤損貞介含悲靜自慨抱
獨招羣怪非子不我遺斯心復誰賴天寒四野寂雲斂疏星
大霜葉響枯條小灘鳴瀨振衣逞玄覽妙趣超埃壑靜泝
一氣先虛涵萬象外林泉皆道情縻組本天械擺落已遺榮
過從敢辭憊祛疑冀閔論立懦貯明誠頽風儻可還勗德期
無懈

東河驛值雪次茅長史白戰體韻

東河氣高地常冷越客入山愁日暝蹇驢破帽闖驛門做屋
疏籬耿燈影更闌藉草始一寐夜半雪來初未省窗明恍訝

烏繞樹身倦宛同蛙伏井雞鳴起看眼生花睡熟山童呼不
醒積深已覺擁藍關勢遠直疑沾庾嶺穿檐入隙如有求塞
戶填階豈須請瓦溝早滴爲炊煙水面難消因泛梗樂事偏
宜壯士獵清氣先入詩家茗平鋪道路混險夷蓋覆乾坤掩
瑕眚空山難行無客到高臥閉門終日靜春來一月尙嚴凝
天上何人調九鼎半生對雪走四方奇絕愛此林壑景長松
壓重龍虎怒巨石羅陳
整北風末勢更飄揚斜照餘輝
愈光爛南望殊憐京闕遙西顧頗覺歸途永未須翫物遽憂
患有形易化皆幻境明朝陰翳盡掃除天際諸峯翠相並乘
興伸頭且一笑人生饑寒非不幸莫將詩句效蘇公淮陰詎
肯儕噲等

懿文皇太子挽詩

相宅圖方獻還宮疾遽侵鼎龜懸寶命笙鶴動哀音誰紹三皇治徒傾四海心關中諸父老猶望翠華臨

今言國朝定鼎金陵本興立之地然江南形勢終不能控制西北故高皇時已有都汴都關中之意觀洪武元年詔曰江左開基立四海永清之本中原圖治廣一視同仁之心其以金陵大梁為南北京方希古懿文太子輓詩曰相宅圖方獻還宮疾遽侵關中諸父老猶望翠華臨蓋有都關中之議以東宮薨而止也

過北山翁

避世慚無術忘年賴有翁山中九日後花下一尊同江迴宜秋色林疏怯晚風放懷甘取醉舍此更誰從

閒居

雨歇階草淨鳥鳴叢竹中偶無輪鞅過遂與山林同鬢髮庭際日振衣松不風自非揭世故誰得此相從

遣病

飲酒留盃底攤書礙枕旁人扶修冠櫛客勸罷文章穀雨催田父花時到海棠病夫渾不較流轉話春光

彭山道中

煙鳥歸林已夕陽野人相引度高岡馬頭一片青山影經過絺衣似水涼

不禁俗物敗人意忽見幽篁眼為明記得舊遊天上夢連昌
宮外聽秋聲

山父練子甯 三首

子甯名安以字行新淦人通判高子洪武乙丑第二

人及第授修撰荐擢副都御史工部侍郎建文初改

吏部遷御史大夫靖難師入不屈死有金川玉屑集

六卷

吾學編子甯初從鄉長者竹庄先生遊命賦水竹村
居詩曰千山暮雨石泉通一夜春雷籜龍長
田按子甯始居淦之東山後遷三洲嘉靖間析淦六
鄉為峽江縣三洲遂屬峽江兩地人爭祀練公至相
詬厲節義之足維繫人心如此太祖果於殺戮臣工
有小故輒不免子甯廷對有云以小善而遽進之以

小過而遽戮之天下之才生之為難成之為尤難豈
忍以區區小故而即付於刀鋸斧鉞之地哉其志節
之壯不待見於殉難之日矣

讀書臺

閒抱瑤琴訪百華上人還與論三車能分香積廚中飯慣煮
孤山雨後茶洗墨池荒秋草合讀書臺古夕陽斜壁間正好
題詩句留取他年護碧紗

送人之官

雨霽清流玉滿川錦衣簇簇立沙邊旋沽南石橋頭酒聊送
東風江上船行色一枝春在柳去程千里水連天待看考績
歸來日細聽鶯聲奏管絃

送花狀元詔許歸娶

三月都門鶯亂嘯郎君春色上朝衣潘生况擬供調膳張做
仍須學畫眉南陌酒香銀甕熟西湖月朗畫船歸極知身負
君恩重莫遣心隨粉黛移

因樹屋書影少年及第奉旨歸娶詩明初練子甯送
花狀元詩又解送劉探花素吉云少年歸娶奏金
鑾喜得天顏一笑看紅錦裁雲朝奠雁紫簫吹月夜
乘鸞靈樁枝下承中鎖寶鏡臺前結合歡從此梅花
消息好青綾不似玉堂寒金陵白正蒙送周狀元延
儒云才子承恩入建章風流載一正周郎人間玉杵
偕仙配天上金蓮簇艷粧絳蠟影搖宮錦色繡幃春
擁御爐香即今已蓬瀛境不用吹簫下鳳凰近華
亭陳繼儒送吳榜眼在蓬瀛境不用吹簫下鳳凰近華
第一姓名香泥金帖財黃金屋種玉人歸白玉堂北
而謝恩才合番東方待曉漸催詞臣何以酬明主
願進關雎窈窕章明朝武正韻六十餘年少年及第
娶者不數人練詩用洪武正韻九十正德丁丑榜眼
嚴耳又宏治乙丑榜眼董玘年十九正德丁丑榜眼
倫以訓年十七皆子假歸娶當時必有贈詩惜不傳
楊慎升菴詞品杭州花綸年十八黃觀榜及第三人

初讀卷官進卷以花綸第一練子甯第二黃觀第三
御筆改定以黃第一練第二花第三南其科題名
黃練花之語故後人猶以花狀元稱之其科題名
記及登科錄皆以黃練二公死革除之難刻毀故相
傳多誤花有詞藻其謫戍雲南有題楊太真畫圖水
仙子一闕云海棠風梧桐月荔枝塵霓裳舞翠盤嬌
繡嶺春錦綉嬉金釵信香囊恨癡三郎泥太真馬鬼
坡血汚遊魂楊柳眉侵顰黛損芙蓉面零脂落粉人
丹芽剪草除根其風致不減元人小山酸齋輩滇人
傳唱多訛其字余為訂之云
田按黃簿籍遺聞謂練中丞集中疑者三事一
曰送花狀元歸娶詩綸事溥知綸非狀元而江知
綸為乙丑第應有奉詔歸娶事溥知綸非狀元而江知
山堂別集皆云花綸洪武乙丑及第綸年成進士
志云花綸字正言登洪武乙丑及第綸年成進士
第三授編修性孤潔杜門絕迹往來其於權勢之交
更疏冷有私媚者常惡之竟遭誣害雙槐歲鈔亦云
綸改福建道監察御史出按江西得罪不令終與升
菴謫戍雲南語畧同菴謂綸為黃觀榜第終與升
誤又解縉送劉探花詩乃宋濂送編修張仲藻者附
見張宣青陽集後書影亦誤

黃子澄

一首

乙鑑卷一

七

子澄名湜以字行更字伯淵洪武乙丑進士授編修
進修撰伴讀東宮累遷太常寺卿建文初兼翰林院
學士與齊泰同參國政燕兵起以誅齊黃為名謫外
謀起兵被執不屈死

黃佐革除遺事子澄少從邑人歐陽貞受易周與學
受尚書清江梁寅受春秋博學負俊聲嘗賦寒江把
釣圖及古梅詩人爭傳誦
田按子澄薦李景隆為將景隆敗走請誅以厲將士
帝不聽未幾江淮諸將相繼潰敗子澄附厲痛哭曰
誤薦景隆萬死不足贖也賦詩云向方有劍憑誰借
哭向蒼天幾隨冠余謂子澄首事發難類鬼家令
賴其後死事甚烈朱平涵云太常文章泯滅單詞片
語流落人間氣燄光華固不必多餘檢曾賓谷江西
詩徵錄詩甚夥賞芍藥一篇尤清婉動人

賞芍藥

清門公子惜芳春開筵上日延嘉賓當階芍藥綻紅白冰姿
艷質俱天真昭君已入丹青手阿郎未醉黃封酒丹幄籠霞
麗日長玉盤承露新粧久廣陵異種古來誇獨有金帶稱奇
葩廟廊大材今復見玉堂學士歐陽家尚憶西園全盛日碧
海蓬瀛繞丹室江南一夜劫灰飛奇花異卉誰能識後來繼
述有雲祢况君伯仲兼才名千金不惜買歌笑栽花種竹長
留情厭聽鶉聲春漸老把酒看花花正好祇恐春光不肯留
人生行樂應須早酒酣公子還高歌相逢不飲將如何何妨
共醉金叵羅一笑塵世空奔波

黃觀一首

觀字瀾伯一字尚賓貴池人初從父贅姓許洪武辛

乙鑑卷一

八

未第一人及第累官禮部右侍郎建文初改右侍中

黃掌尙寶司事奉詔募兵聞金川門師入投羅刹磯死

田按侍中出募兵投羅刹磯死夫人及三女投淮清

橋下死忠孝貞烈萃於一門侍中詩不多見或云侍

中有集藏泰州儲璠

尚書家見革除遺事

題江貫道長江圖

離離眾樹深靄靄孤雲碧山色望難窮江流浩無極漁歌遠

渚昏鳥下平蕪夕惆悵涉風波扁舟何處客

田按貫道長江圖號為名蹟事已具別卷王常宗詩

後文徵仲跋此圖後云南郭氓許觀瀾伯不仕有文

學之名同時別有許觀亦字瀾伯死於靖難時乃池

州人與此許觀不同而皆有文學不知此詩誰作也

余以唐人兩集

並存之例存之

卓敬一首

敬字維恭瑞安人洪武戊辰進士除給事中歷官戶

部侍郎靖難師入被執不屈死有卓氏遺書五十卷

郁衮革朝遺忠錄卓敬為文章精粹峭拔磊磊落落

似其為人詩詞宏婉有一唱三歎之遺音

露書卓侍郎敬詩白雲忽去山在戶紅日在晴人倚

欄一聲兩聲花鳥好千樹萬樹松風寒皆出人意表

墨菊

我向玄都逢羽士自言種菊不多根灌園只汲臨池水歲歲

花開見墨痕

王叔英一首

叔英字元采黃巖人洪武二十年以薦為仙居訓導

改德安教授遷漢陽知縣建文元年召為翰林修撰

燕兵至淮奉召募兵行至廣德京城不守自經於玄

妙觀有靜學集二卷

革朝遺忠錄文皇渡江叔英卧病僧寺知事不可為
沐浴具衣冠賦絕命詞曰人生穹壤間忠孝貴兩全
嗟子事君父自省多過愆有志未及竟奇疾忽見纏
肥甘空在案對之不咽意者造化神有命歸九泉
嘗聞夷與齊餓死首陽巔周粟豈不佳所見良獨偏
高蹤遠難繼偶爾無足傳千秋史臣筆慎無稱希賢
遂自經死

孤桐生崇岡一首贈友人

孤桐生崇岡託根亦已高嚴冬風雪繁枝葉成蕭條根本具
生意勿為樵牧侵韶英如可作遲爾為瑟琴

周是修 五首

是修名德以字行泰和人洪武末舉明經為霍邱訓
導擢周府奉祀正遷紀善改衡府靖難兵入走應天

府學自經死有芻蕘集六卷

四庫總目芻蕘集風骨稜稜溢於楮墨望而知為忠臣
義士之文
田按建文二年勅儒臣取古今君道臣道人事之載
於典籍可為鑑戒者纂為類要總裁則方孝孺唐愚
士樓堦胡靖分修則陳好義徐好古葉仲汜鄭孟宣
章謹蘇伯厚李鐸王汝玉張拱高可大王真劉仲美
李敏方叔衡朱子建史維時陸伯瞻趙友同周思顏
子明蕭用道楊士奇翰林生與焉催纂則王良楊溥極
一之時選黃才伯翰林記稱洪武戊寅詔編輯經史
百家之言為類要侍讀唐思士等纂修未成即指此
事其曰洪武戊寅蓋遵革除令諱之也先生詩逸情
古調寄託遙深先生嗣孫希韓為余妹婿嘗假芻蕘
集於其家錄之

題叢蘭

石嶸嶸兮水沄沄蘭蕤蕤兮揚清芬思攀芳以紉佩贈天涯
之夫君望夫君兮不見結三湘之暮雲

靜夜思

天地同逆旅春秋比流波昨昔樂苦少今茲憂復多
嫩人而離居其如良夜何良夜殊未央悵言臨中堂
叢蘭泣零露初月揚清光我有枯桐琴爰以托遠心
哀絃徒激烈愁絕無知音太行豈不高黃河豈不深
夢魂終不隔萬里還相尋

感懷

芳桃笑春風穠李耀晴日偶蒙化工榮光彩不可敵
盛時能幾許零落各相失詎知寒松心凌霜如鐵石

黃衣岩

崇峯出百里岩壁亦何峭神功摩元氣中有太古竅
青雲從下起白日當前照仙鶴不重來年年野花笑

寄贈巫陽隱者歌

金樽美酒清且香欲飲不飲愁心長寒雲四塞南雁翔
尺書不到巫山陽巫山十二峯巒出落日平荒楚天碧
嵐煙澗水石橋晴嘯鳥梅花野亭夕野亭夕秋風多亭西
隱者今如何欲知別後相思意不盡東流江上波

茅大方

一首

大方名誦以字行秦興人洪武中爲淮安府學教授
擢秦府長史建文元年遷副都御史燕師入見收不

屈死有希董遺集五卷

吾學編大芳典教淮南考績入朝高廟召對悅之擢
秦府長史勉以董子輔相之業大芳感激額其堂曰
希董方孝孺爲記建文君卽位擢右副都御史靖難
兵起遺詩淮南守將梅殷幽燕消息近如何聞道將

軍志不磨縱有火龍翻地軸莫教鐵騎過天河關中
事業蕭丞相塞上功勳馬伏波老我不才無補報西
風一度一悲歌建
文四年八月死之

次平涼

平涼疆域控西戎三月猶寒氣未融山麥蟠根封積雪野桃
含萼待東風書回塞下邊塵淨兵到原頭獵火紅更擬明朝
乘鶴駕為尋仙跡訪崆峒

胡閨一首

閨字松友鄱陽人洪武初舉秀才授都督府都事遷
經歷建文初遷右補闕進大理寺少卿靖難師入召
閨不屈死

橋李詩繫遼國諸臣疏屬一丁一地分戍劇邊一遇
絕丁軋行句補飛符所到冤結二百餘年屠公叔方

令鄱陽適有符句鄱人胡閨絕丁者屠憤然擲符於
地曰彼死忠何罪使吾有言責必碎首爭之矣擢御
史即具疏請諡請祠請修治塚墓卹錄子孫及交遊
姻黨之株累編成者一體赦宥神宗感動蒙宥者干
六百餘人京師張赦榜時忽風發榜飛轉展天際觀
者如市自午至未仍還故所鄱陽張榜亦然事見顧
憲成英風
紀異錄

題畫松

幽人無俗懷寫此蒼龍骨九天風雨來飛騰作神物

精忠就義類編元末胡先生閨授徒講學長沙王廟
嘗奮筆畫松廟壁題曰蒼虬出壑復題幽人無俗懷
一絕吳王下饒州見先生詩召見越八年即皇帝位
郡舉秀才一見即曰此秀才是題詩鄱陽廟者授都
督府
都事

劉璟一首

璟字仲璟青田人誠意伯基次子授閤門使改谷王

左長史靖難師入稱疾不起下獄自經死有易齋無

隱二集

四庫總目易齋詩氣勢蒼勁兀傲不羣有覆瓿之一體
田按長史易齋集吾鄉楊龍友令青田曾刻之

狂夫雜興

平生適興多閒話付與時人作狼猜一酌曹溪知水味白雲

無意若為來

鄭居貞 二首

居貞名桓以字行歛人洪武中舉明經授鞏昌通判

遷禮部郎中出為河南左參政永樂初坐方黨死有

閩南關隴歸來檜庭諸稿

屠叔方建文朝野彙編方孝孺之為漢中教授也居
貞以詩送之翩翩紫鳳雛羽翻備五彩徘徊千仞翔

餘音散江海於焉覽德輝濟濟鑄環珮天門何差我
羣仙久相待晨沐晞朝陽夜息飲沆瀣如何復西飛
去去秦關外岐山諒匪遙啄食良自愛終當巢阿閣
庶以鳴昭代孝孺亦贈之詩謂其為參政三年而去
吏民以不能留為憾事在洪武二十三年然其坐累
歲月不可考以方黨故也

田按居貞與林公輔皆侯城畏友侯城感舊詩云雄
文不見林公輔病眼荒荒何處開居貞作翩翩紫鳳

雛贈侯城以自委為勉而朱竹垞云林公輔鄭居貞
殆侯城弟子而兼朋友者蓋不知侯城弟子別有林

鄭非居貞與公輔也蜀獻王送胡志高赴漢中兼東
希直云勗哉今胡子願無愧鄭林末注云鄭公智林

良顯明史亦稱侯城門下士以詩話所引送居貞入成
智林嘉猷公智字叔貞竹垞詩話所引送居貞入成

都詩乃送叔貞非送居貞遜志齋集具在可覆檢也
嘉猷名昇以字行後改各良顯侯城感舊詩第五首

云林鄭為文學我家波瀾議論無涯第一首既云
雄文不見林公輔此復及之不犯複乎又送鄭叔貞

之成都云兩生萬里來講道慰寂寞探奇忘舊悲妙
觀有新樂甯知事多件重使嘆離索林也前歲歸重

來忘曩約鄭子今復去南行踰巘嶸林當指嘉猷蓋
嘉猷曾以儒士校文四川也又云金門盛才彥德星

耀井絡翩翩白鳳羣豈復少一鶴竹垞云居貞有翩
翩紫鳳雛一篇贈侯城故答及之蓋由誤以叔貞為
居貞因指嘉猷為公輔鳳雛鳳羣牽聯附會要非當
日情事也

次韻方希直

闕下知名久相逢值暮春才華曾動主議論每過人漢水元
通蜀台山亦近閩何時江海上樽酒話西秦

田按居貞嘗侍父官閩中子孫因留居福州瓜山此
詩台山亦近閩蓋指其流寓地也

泗州

行盡淮東始見山孤城雉堞面層巒隋人罷幸餘荒苑漢將
成功有廢壇落日波濤來洶湧高秋鼓角動悲酸此來倦客
偏懷古對酒狂歌強自歡

方法

一首

法字伯通桐城人洪武己卯舉人授四川都事斷事

永樂初蜀藩賀表抗不署名逮至望江投江死

田按伯通侯城弟子所作絕命辭云千載波濤裏無
慚正學師可謂沉瀿一氣矣

渡河

野曠天陰日欲西北風吹雪雁行低交河路斷行人少一片
寒沙沒馬蹄

胡子昭

一首

子昭初名志高字仲常榮縣人以薦為訓導建文初

授翰林檢討累遷至刑部侍郎永樂初坐方黨死

汪宗伊表忠錄子昭臨刑詩曰兩間正氣歸泉壤一
點丹心在帝鄉時年四十一

山行

蠟屐尋芳徑攜筇上翠微路危行客怯山僻到人稀古廟塵埋址荒神蘇作衣山雞元不慣驚起舍前飛



明詩紀事

貴陽陳田輯

程本立 十五首

本立字原道崇德人洪武初舉明經秀才除秦府引禮舍人以母憂去官服除補周府禮官進長史從王入覲坐累謫雲南馬龍他郎長官司吏目建文元年徵入翰林遷右僉都御史坐事貶官仍留纂修旋授

江西按察副使未行燕兵入自經死有異隱集四卷

四庫總目本立文章典雅詩亦深穩樸健頗近唐音不但節義為足重卽以詞采而論位置於明初作者之間亦無愧色靜志居詩話建文諸臣文莫過方希直詩莫過程原

道希直之文取法昌黎下亦不失為蘇子瞻原道之詩刻意杜陵下亦不失為陳簡齋也
田按明初樵李詩人首推清江次及巽隱巽隱詩格渾氣道七律尤隊仗整齊固當與麟峒大節並留天地

尋劉集賢隱居

方瞻紫錦屏倏覽青玉案茲山五百里我行山未半餘雪雲俱白新泉冰始泮春姿動晴壑好鳥自相喚探幽會披榛紀勝欲濡翰西投集賢里息鞅日已旰衣冠拜遺老使我發深嘆垂世貴立言有竹青可汗

賦得桃花崦送李學正之易州

野性好林壑胡為來市廛豈無桃花崦著我屋數椽深深崦中花萬樹春霞鮮居民非避秦鼓腹戴堯天花間長兒孫看

花不計年我欲往求之路隔松蘿煙悵望小姑峯玉立青娟娟相逢李博士頗似長庚仙江東事幽討已有青鞵緣得官不厭冷幡然向幽燕振衣山上風洗耳石間泉期君早歸來和我桃花篇

題劉士平竹所卷

鳳凰溪頭十畝園我昔種竹竹已蕃掬除雜亂扶正直不使惡類相牽揆春雷動地兒孫長森然玉立參天上玄冬何嫌霜霰重赤日自慙風飄爽一從宦轍梁宋遊煇埃迷日揮汗流瑠琉八尺誰卷送琅玕一个不可求腐儒本非食肉相十年歸夢隨吳榜餘生未了苜蓿盤此身須付桃枝杖永嘉劉郎思故山有廬亦在萬竹間覓我狂歌託幽抱歌成轉覺俱

乙錄卷二
愁顏長竿把得谿頭釣短簫吹作江南調此時燒筍飯劉郎
噴案不妨同一笑

題天竺曇敷上人法華山房卷

曇師法華室只在鑑湖邊白日開三竺青光出五蓮海龍曾
聽呪庭鳥亦知禪一月雲林宿吾生信有緣

送安處善稅使之官青州

置酒直傾囊底錢都門醉別意茫然人生白髮屐幾兩子去
青州路一千鴉背夕陽江雨外馬頭秋色岱雲邊大梁東接
齊封近書信頻煩使者傳

登嵩縣留別守禦千戶呂庠教諭

嵩州官舍留三日日日亂山雲吐吞聞雞夜看北斗柄借馬

曉出東城門廣文無瓊坐賓客將軍有書傳子孫我懷先世
此鄉里願聚族人居陸渾

過璧社湖

平湖一目到天涯明月滿空飛浪花半夜珠胎移老蚌有時
金背出妖墓漁人屋近燈纔見使者舟行鼓亂槳便似吳淞
江上路只無紅漿唱雙娃

昆明池

昆明海水不成潮一鏡涵空山影搖明月碧雞飛夜夜白雲
蒼狗變朝朝登臨未必南荒惡瞻戀其如北極遙汀草汀花
自春色無人同放木蘭橈
湖中留洱西驛因過三塔寺

眼中城郭與山川坐我江南罨畫船雲氣半峰飛白雪水光
一鏡落青天野牆椶樹人家住官路梅花驛使傳最是禪房
聽梵唄此心能洗百憂煎

登通海湧金山

西湖上馬湧金門三竺歸來日色昏今古羣生幾塵劫華夷
萬里一乾坤煙蘿花木山中寺水竹茅茨海上村兩地登臨
渾似夢賦詩聊與爽僧論

過新興州

薏苡空牆晚芙蓉野水秋馬頭山色好路入大棋州

宿昆陽

飲酒美人家出門山日斜門前一株樹說是蜜檀花

題梨花園

別愁歸恨是清明眼迷風沙白髮生縱有花枝如畫裏看花
不似少年情

滇陽病起

書籤藥裏客窗間一日吟成病裏閒日日相看好顏色人情
誰得似青山

題山水小畫

太湖三萬六千頃七十二峯湖上山草閣酒醒風雨過棹歌
聲在水雲間

陳繼之 一首

繼之號雪庵莆田人建文庚辰進士授戶科給事中

靖難師入不屈死

蘭陔詩話長陵殺戮革除諸臣備極慘毒雪庵之死碎骨揚灰嗚呼酷矣林懋揚云雪庵真蹟詩一幅流落金陵市中徑寸草書筆法高古酷似王令間出急就其詩意度間適格調雅正真巨匠之矩矱也

懷山中

憶昔探靈奇所性喜遊眺時登近湖山遠矚論海嶠石泉瀉雲竇松風發天竅白鳥空際迴玄猿靜中嘯漁樵偶相逢因之共談笑榻來謁金門尚懷山水妙寄謝滄浪人拂衣可同調

程通一首

通字彥亨績溪人洪武庚午舉人授遼府紀善進左長史靖難後以事械至京死於市有貞白齋稿

姚鼐惜抱軒集明高皇帝以封建策問諸生而績溪程長史通試為第一其言置子當置之艱阻備嘗之中不當置之膏肥美麗之地此其言最有當於高皇心者卒又言垂流之久或有意料之所不及此乃足括後事之變真可謂通人名論

題綠照亭和韻

綠照亭前景物都向人何用說西湖雨餘春樹翠如染雲淨曉山青可圖近水有窗先得月凭欄無客不提壺莫辭爛醉扶歸去王道於今是坦途

樓瑄一首

瑄字士連義烏人洪武中以儒士授主簿遷藍田知縣入為監察御史以事謫雲南建文初起為翰林侍讀燕師入方孝孺不草詔改命瑄一夕自經死

田按侍讀以權死義卒完其宗官御史時謫雲南沐
景願錄其詩入滄海遺珠

送鏡中上人兼柬斗南和尚

舊住扶桑第幾山偶然蹤迹落人間
蘿衣拂露辭秋壑藤杖扶霜度曉關
眞海飛來孤月小點蒼留得半雲閒
殷勤爲報圓通客鶴背清風好共還

楊任一首

任字子重嘉興人洪武中以人才舉累官至袁州知
府致仕永樂初坐匿黃子澄於家械至京死

爲禮部黃侍中觀題翠微書舍

射策列朝署舊隱情未釋輸忠在經綸
回夢托泉石人生慎終始於道明損益
於子功業成還理謝公屐

葉惠仲一首

惠仲名見恭以字行臨海人見泰弟洪武中授廣武
衛知事遷知縣建文初擢南昌知府永樂元年坐直

書靖難事死

革朝遺忠錄惠仲兄刑部主事見泰雅爲方孝孺所知有文名惠仲亦不愧其兄時稱二葉各有集以傳

暮嶺

小徑躋危石發荒行行轉覺暮途長
魚燈射水明如燐山麝歸來暗自香
月黑遠天星彩白崖傾飛瀑雨聲涼
還家細向燈前說可怪浮生有底忙

石允常三首

允常字恒德甯海人洪武甲戌進士官河南僉事坐

事謫常州同知建文末帥兵防江軍潰棄官去永樂

初追錄廢周藩事戍邊有遇安集

許相卿革朝志九常官河南僉事廉介有聲人稱石
清潭以誣左遷常州同知北師起棄官歸文皇登極
追錄建文間廢致周府僚事逮至者五十餘人允
常與焉眾悉洵懼服罪人贖米五十石命於原官加
一秩仍用之允常銀鍊百端堅不服繫獄二年免死
謫戍中屯衛年七十代還過西畿感愴病卒舟中
三台詩錄僉事詩筆韶秀好句迭出官行人時席上
為蜀王題八陣圖盛傳於時

題春晴圖

何郎乃是金閨彥客裏東風偶相見座懸一幅滄洲圖細雨
落花春滿縣玉壺傾酒白日閒門外鶯啼宮柳間酒酣鳴罷
綠琴去望中幾點江南山

春山圖

輕帆隱隱歸煙渚白鳥離離映孤嶼脫巾無語獨凭欄草閣
寒生杏花雨朱絃在琴酒在壺此身已入春山圖欲求賞音
不可得天下好山何處無

留別湖廣錢參政

昔年分手金陵路昨日聯鑣夏口城吳楚江山相憶夢湘潭
雲水別離情停杯話舊驚三載燒燭無眠欲二更明發扁舟
向巴蜀棹歌聲裏鷓鴣聲

高遜志 十三首

遜志字士敏蕭縣人徙居嘉興洪武初預修元史授
翰林院編修改秦府紀善引退十五年召為試吏部
侍郎旋罷官建文初徵入翰林遷太常少卿靖難後

死永嘉山中有嗇菴遺稿

高啟鳧藻集宗人士敏辛丑集有春容温厚之辭無
 枯槁險薄之態豈山林館閣者乎
 徐一夔始豐臺士敏卓絕然立於作者之林
 田按徐大章始豐稿云士敏入史館擢編修轉秦府
 紀善未幾引退今召起試吏部侍郎以事去官謫居
 昞山諸家紀載均云授編修累遷侍講學士非事實
 也又俞貞木次高太常韻詩序云太常高先生與僕
 別餘三十年喜聞還朝入翰林升太常計士敏授編
 修改官後再入翰林遷太常餘三十年正建文改元
 時也靖難後或云卒於官或云兵敗自經或云存歿
 無考朱竹垞據蔣之翘家譜云死於永嘉山中士敏
 父德所至與宗工鉅儒遊如虞文靖公集歐陽文公
 立余文忠公關貢公師泰程公文周公伯琦張公翥
 危公素張公以甯士敏皆得親承其緒論文章故學
 有淵源華年篤志以善屬文稱用薦為鄞山書院山
 長徐大章高季迪交口稱之一與史局再入翰林及
 主文會試所拔識王艮胡靖吳溥楊榮金幼孜楊溥
 胡濙等皆為名臣身邁革朝遯迹空山以死論者哀
 其志云

寄陳彥博奉常

雨收山氣佳日入川光暝岸幘倚孤松飄蕭發清興花藥紛
 滿畦桑麻鬱成徑西林宿鳥歸前溪魚榜定曠望絕人蹤坐
 愛郊原靜撫景念徂春思君一觴詠
 以少陵文章惜命達句為韻賦五章
 違世甘蒨落撫已切憂勤既通金閨籍方思策奇勳何為竟
 鍛翻復與沮溺羣念往每懲咎經學求多聞朝飲西澗水暮
 宿東山雲境靜思疲繭心清遺垢氛森然富藻思載道非空
 文尙賴特立操千載揚清芬
 積雨滿污瀆蛭螾聊自藏商飈振修薄篔簹依崇岡動植各
 生遂伊人獨何傷謫居窮田野與世殊相忘緬懷昔憂患髮

短心日長所願免飢渴孰敢謀稻梁戶庭罕遊跡琅然誦文章
歡來意自得遐想起黃唐從此遂閒逸投老終徜徉

鱸鯨擊洪濤一躍龍門登驚風落潮汐失勢投岡陵鬢鬣日
已槁窮涸何由興翻為獷獪笑敢望餘波騰畸人感物理冥
思多所徵雲翔避矰弋淵潛避笱簒胡為狗世務輒軻常競
競勗哉保素履勿貽人所憎

荆璞不善藏輕售與時競雖無泣玉耻棄捐揜光瑩伊余昧
先幾妄往成蹭蹬貪得違素心狗名忘積行通籍曾幾時三
年絕朝請久睽徒侶歡轉失鄉黨敬剝喪非偶然且委時與
命

功名期宦成文章止詞達千載求全能如何罕奇拔夙抱稽
古志纂言窮躡括幽闡天機深精思元化幹豈徒賁皇猷將
以繼往轍于今不自足乃復耻被褐好爵難久縻世途多慘
怛放意樂丘園長歌襟抱豁

龍江紀事寄良夫

避地龍江上離愁欲斷魂探囊炊脫粟沽酒問前村犬吠初
開逕雞栖早閉門莫嗟時易晚漂泊任乾坤

城南小隱為松江郭彥禮賦

步屨尋幽古岸隈柴扉正對郭南開林間野逕穿雲入溪上
春潮帶雨來過客停杯歌白苾隣翁吹笛坐蒼苔羨渠高隱
空相憶浪迹多年素髮催

題遂幽軒

閉迹銷聲與世疏
巖居蕭散屬潛夫
竹間展席移茶具
花底清吟擊酒壺
喜向山林便野服
嬾因軒冕溷泥塗
令人長憶鴟夷子
欲趁高秋泛五湖

贈章安甫老人

藍輿迢遞出郊坰
野服翩然鶴髮星
柱史不辭周問禮
伏生須爲漢傳經
汀洲木落蒹葭老
澤國霜寒橘柚青
自笑隱淪緣底事
時危蹤迹一浮萍

簡蒲菴長老

論交猶憶自前朝
亂後誰憐意氣銷
元亮歸來依惠遠
少游久客過參寥
山房黍熟供蔬甲
石鼎茶香薦菊苗
名勝想無今古異
釋龕容我避塵囂

秀水飛帆

挂席曉煙收
忽與天風遇
誰唱秀州謠
恐是南塘路

茗川夜宿

山繞荒城水自流
霜空月色滿溪樓
夜長欹枕渾無寐
二十五聲都是愁

蔣兢一首

兢字維敬自宜興
徙嘉興建文初舉
人才授文淵閣侍書
有友陶軒稟

靜志居詩話侍書高太常士敏弟子祭太常文云歲
在壬午九月晦吾師士敏高先生卒師以國破家亡
遁影東甌雁宕山中頽齡疾苦僕從竄逸隻影自矢
爲西山餓夫天假之合小子兢亦以未死之身來偷
息於此相對若夢寐淚涔涔下侍吾師僅五十日吾
師竟長逝就暝之頃指畫恨字旣而曰復何恨復何

恨正吾師泣血椎心萬古耿耿之長恨也
以成禮林有巨木遭伐其腹枵然乞諸樵
之芙蓉峯北嗚呼天降喪亂蕭牆禍起君
所當死博浪無椎環柱失七遁迹空山潔
崖水涘杖履莫追弟命之窮兮師疾不起
文諸公瑄楊公未及知也子嘗面請學使
侍書配食於高公之右不果行也
立姚公瑄楊公未及知也子嘗面請學使
侍書配食於高公之右不果行也
詩文建文即位詔舉人
奉御前筆札王午授密旨從黃子澄走姑蘇
所謀建義旗子澄遣往甯波會合知府王瑄
固守錢塘隨海抵粵檄州郡大舉賦詩屬別
去涉江海貴速無後時身輕不遑顧慮頹務
十日秦庭哭一舉齊桓師持此報國心何事
未及至而成祖正位子澄與任被誅兢因亡
稱東海逋臣遊楚蜀二十餘年乃歸衰麻經帶
身

零陵道中望九疑山

九峯吐翠隔湘川咫尺征途萬里天欲訴重華無限恨鞦韆

啼處雨如煙

龔詡 三首

詡字大章崑山人父晉洪武中官給事中以言事遣

戍五開衛詡遂隸軍籍調守金川門靖難師入變姓

名遁歸卒門人私諡安節先生有野古集三卷

四庫總目詡詩格調在長慶集擊壤集間性情深摯直
抒胸臆律以選聲配色彫琢句誠不能與文士爭
工律以綱常名教之旨則不合於風人者多矣
遜國臣記龔詡為金川門守卒建文末靖難兵首入
金川門詡大哭後還鄉宣德中周巡撫忱兩薦為崑
山太倉學官辭不就曰詡仕無害於義恐負往日城

梅花草堂集靖難軍逼金川門公大勳遁去夜走任
陽寄馬陳二家二家故多藏書願修朱家郭解之義
匿公大園中公讀書其間多所纂述又時時乘夜渡

乙錄卷二
事爲有慈母在故園之句讀者傷之
童汪非怯當年

送郁老友歸芝塘

細雨弄晴三月天故人辭我歸芝川
檣頭燕子語留客溪上柳花飛撲船
小姬拍岸調新曲野老揮毫書大篇
最是落紅如惜別隨風點點墮樽前

漫成

遠慕淵明白把鋤從渠時輩笑迂夫
生憐花鳥如兒女酷愛溪山似畫圖
不飲幸然無酒債好吟常自負詩通
年來尙覺疏狂在折簡應知未易呼

趙松雪竹石

舊宋王孫元學士草堂心事玉堂身
筆端寫出江南意落日

西風爲愴神

魏澤一首

澤字彥恩溧水人刑部尙書靖難後謫甯海典史

過侯城里有感

笥輿衝雨過侯城撫景依然感慨生
黃鳥向人空百轉青猿墮淚只三聲
山中白可全高節天下難居是盛名
卻憶令威千載後重歸華表不勝情

遜國臣記文皇滅方孝孺十族魏澤是時謫甯海典史當捕方氏悉力保護周旋以故方氏有遺育謝文肅公詩所謂孫支一葉者澤之力也後過孝孺故居爲詩悲悼之

唐愚士八首

愚士名之瀉以字行紹興山陰人應奉肅之子建文

初用薦為翰林侍讀有萍居稿

遜志齋集愚士長身巨鼻博聞多諧練達世故為文蔚瞻有俊氣長於詩而善筆札每一篇出人多傳道之曹國李公好士待以賓友禮征行四方皆與俱歷燕薊秦周過前代廢都舊邑名賢傑士之遺跡按筆有賦詞旨超絕必驚歷一時

田按方希直稱愚士萍居稿數十卷今四庫著錄僅二卷附會稽懷古詩一卷不過十之一二耳愚士名父之子詩才閱肆不愧乃父愚士領書局修頌要在建文二年庚辰十月十二日見周是修芻蕘集竹垞詩話云建文三年同事纂修是年閏月即病死蓋誤會希直愚士墓誌天子即位之三載一語耳

對酒

對酒勿傷偶會何常今日同堂出門異鄉同堂之樂樂過千
 春來日大難苦口焦唇翩翩飛燕冬藏春見邕邕鴻雁翱翔
 雲漢顧爾百鳥嘯侶鳴傳我欲彎弓其聲啁啾此物雖微拙

誠所慎愛屋及烏柔遠能近吳中白苾細若縑素製為君袍
 願君長御

毛滄兒歌

毛滄兒毛滄兒滄兒生在蘭滄西蘭滄去天萬有三千里土
 人花腳金兩齒滄兒之父名聲達天子天子遣使遠召之滄
 兒隨父來京師滄兒年幾何三歲尚不足兩歲頗有餘頂犀
 眼漆脣抹朱學語未成意態殊麒麟之子宛馬之駒產自絕
 域升天衢人言傳書有種非爾雛爾父年幾何五十逾六未
 及耆十五年落西南夷西南之人愚不識官長麾呵婦女笑
 罵兒童欺昔辭鄉里六親俱白髮黃口同繫累一家盡死一
 身在載錫爾肩惟有天公知天公知又錫爾爵冠帶而裳衣

脫爾介胄參龍虎夔毛滄兒毛滄兒好兒子爾父老矣望爾
似爾似爾父爾宗有光祝爾長大無諸禍殃吐爾錦心繡腸
出擅昭代之文章如班馬燕許鳴漢唐毛滄兒毛滄兒父友
作歌聽勿忘

送楊如愚之長沙教授

除目下楓宸江帆掛晚春長沙今夜月大谷去年人太守分
賓席諸生揖路塵莫嫌卑濕地岳麓在湘濱

元夕東池上作

未老只傷離春霜着鬢絲纔過拜年日又屬放燈時頭重生
憎酒心閒熟品詩此身萍葉似漂泊偶東池

營中閒夜

閒坐樂從戎將軍得上公佩刀懸玉虎缸燼剔金虫遠柝微
侵月清笳迴帶風香騰爐面紫火射箭頭紅舞劍知書法談
碁識戰功明朝當閱武傳令選瑯弓

和答孟熙見貽

晚天涼雨碧雲收竹几藤床只卧遊出海鼓笳天上曲夾城
風雨驛邊樓常時中酒翻疑病此日懷人況是秋忽得鎬郎
寄來什贖將詩思滿汀洲

秋夜懷孟熙

西風卷海作濤聲燭影簷花徹夜明況有懷人心似雨暗隨
秋點出江城

望仙樓圖

馬聲龍影半天來
月殿霞扉次第開
一自踏歌歸碧落
人間空築望仙臺

王紳 二首

紳字仲縉義烏人待制禕子官國子博士有繼志齋

集十卷


四庫總目紳詩有陶韋風致無元季纖穠之習


送鼎上人還鄉

青原有名縉戒行極嚴具一葦航大江飄飄隨所遇
十月天雨霜木落林姿露翩然逸興發長歌賦歸去
杖錫輕波濤袈裟入煙霧月照祇樹西相思渺何處

題小畫

青蘿山下結松樓
幾度臨風憶舊遊
今日畫圖看彷彿
淡雲疏木不勝秋





青巖山下綠林對... 貴陽陳田輯

明詩紀事

貴陽陳田輯



姚廣孝 十六首

廣孝長洲人幼名天禧既為僧名道衍字斯道洪武

中以高僧選侍燕邸永樂初論靖難功為僧錄左善

世加太子少師復姓賜今名卒贈榮國公諡恭靖有

逃虛子集十卷

鳧藻集斯道上人獨菴集閑放馳騁以發其才優柔
曲折以泄其志險易並陳濃淡迭顯兼采眾家不事

拘狹

水東日記劉原博嘗見姚榮公小像僅寸許周遭皆

書公詩句警聯如詠團扇云掩歌聲不散障月影同

圓御溝詩云靜涵金殿影清斷玉街塵此類甚多

國雅姚恭靖性空思元心寂語新其與彌僻其極彌
遠如籠馴傳信鶴池蓄換書鵝翠低承雨竹綠碎受
風蕉過林纔見日到渡不逢山此例已到彼岸惠休
法振不得專譽禪藻
田按逃虛子集有讀韋應物詩云古淡豈易學五字
真吾師集中斯體最爲到格與高季迪遊列北郭十
友之一季迪贈詩云行師本儒生眉骨甚疏峭軒然
出人羣快若擊霜鷄固不待袁珙見三角日僧知爲
病虎

訪震師不遇

波澄一溪雲霜紅半山樹荒煙滿空林疏鐘在何處不遇采
樵人復抱孤琴去

師林精舍遇盈師夜坐

空林長掩關閒雲去無迹偶來值禪侶清談忘永夕坐久磬
聲沈松堂一燈寂

館中公暇讀王維孟浩然韋應物柳宗元詩

四首

輞川治別業來往少簪纓幽遠勝柴桑泉石有餘清揮洒自
爲樂吟咏得真情邈焉千載下孰不慕高名

襄陽耆舊間放情獨夫子蹇驢城市中短褐風塵裏有時詩
興發高山共流水閒澹意有餘鮑謝焉足擬

少時事豪橫中年道頗知焚香日冥坐隨處樂無爲交遊泉
石間感物自成詩古淡豈易學五字真吾師

愚溪非舊業幽棲亦超然放逐豈不畏所樂乃在天寓意一
於詩出語何清研恨不生同世日夕與周旋

遊龍泓洞

偶攜虎林僧潛入龍泓洞盤桓竟忘返遊矚從所縱泉聲風

乙錄卷三
籟雜雲氣煙嵐共奇跡由人成靈瑞乃天送巖深匿狻蹤竇
曲應樵哢壁仄微蟲蟄石罅古苔凍不來甯免思乍到翻疑
夢踟躕感舊遊令人欲悲慟

劉文貞公墓

良驥色同羣至人迹混俗知己苟不遇終世不怨譁偉哉藏
春公簞瓢樂巖谷一朝風雲會君臣自心腹大業計已成勳
名照簡牘身退卽長往川流去無復佳城百年後鬱鬱盧溝
北松楸煙靄青翁仲薜蘿綠強梁不敢犯何人敢樵牧王侯
墓纍纍廢不待草宿惟公在民望天地同傾覆斯人不可作
再拜還一哭

靜志居詩話少師早著才稱晚參帷幄文與北郭十
友之列武居靖難諸臣之首觀其入燕兩謁劉太保

墓詩蓋早以藏
春子自命矣

楊白花

楊白花雪同色最是無情況無力西蕩東飄意難必斷送春
光何太疾薄暮和煙點綠漪化作浮萍自不知願託春風回
故處爲伊吹入宮中樹

妙上人習靜軒

嵐嶺照深屋雲松翳閑門鳥嘯驚曙白花氣覺春溫以茲迴
塵境自可澄真源冥觀了無法何有寂與喧

京口覽古

譙櫓年來戰血乾煙花猶自半凋殘五州山近朝雲亂萬歲
樓空夜月寒江水無潮通鐵甕野田有路到金壇蕭梁事業

今何在北固青青客倦看

田按史稱洪武中詔通儒書僧試禮部道衍不受官賜僧服還經北固山賦詩懷古其儕宗泐曰此豈釋子語耶道衍笑不答即此詩也

寄虎邱蟾書記

聞道蟾公似贊公一瓶一鉢寄山中雲封蘿屋長疑雨泉響
松巖半是風履破只緣行脚久囊空非為作詩窮遙思短簿
祠前夜共聽寒鐘出磬東

綠水曲

夕陽閣遠樹春雲散澄江不見蕩舟人空對白鷗雙

題畫

小小板橋樵路深深茅屋人家竹鳴夕陰非雨桃源春煖多

花

開元寺雨中觀梅

遙思西嶠開千樹漫往東林見一枝煙雨冥濛香影盡為緣
惆悵立多時

竹枝詞

一程煙水一程山客子行時那得還女兒擊榜歌欲絕愁見

溪月自灣灣

解縉十二首

縉字大紳吉水人洪武戊辰進士試中書庶吉士改

御史建文立謫河州吏目旋待詔翰林永樂初進侍

讀學士直文淵閣逾年進翰林學士出為廣西參議

改交趾入奏事會成祖北征見東宮辭去徵下獄死

有白雲蒙東山集

四庫總目緒才氣放逸下筆不能自休當時有才子之
 目迄今委巷流傳其少年夙慧諸事率多鄙誕不經
 故李東陽懷麓堂詩話謂其詩無全稟真偽相半蓋
 出於後人竄亂者為多然其中佳句間存亦復不減
 作者
 東里文集解公文雄勁奇古新意疊出敘事高處逼
 司馬子長韓退之詩豪宕豐贍似李杜其教學者恆
 日甯為有瑕玉勿作無瑕石書小楷精絕行草皆佳
 會棨巢睫集公為中書庶吉士嘗應制春兩詩養鶴
 賦操筆而成造語奇崛時中書舍人詹孟舉以書名
 世亟稱公書有法而用筆精妙出人意料為文與至
 落筆數千言倚馬可待未嘗創稟人以太白擬之
 麓堂詩話解學士大紳才名絕世詩無全藁黃學士
 諫收拾遺逸漫為集刻今所傳本如采石弔李白中
 秋不見月不過數篇其餘真偽相半頓令觀者有楓
 落吳江之歎
 七修類稿永樂中秋開宴不見月聖情不憚學士
 解縉口占風落梅一闋云姮娥面今夜圓下雲簾不

著臣見拚今宵倚闌不去眠看誰過廣寒宮殿又賦

中秋不見月長短句一首上覽之歡甚為停杯以待

夜午酌復明上大笑曰解縉真才子奪天手也命宮

人滿酌宣勸盡懽而罷

魏翁家藏集永樂時人多能書當以學士解公為首

詩談吉水解縉獨駕青鸞翱翔入極使謫仙遇之當

懸榻以待

藝苑危言解大紳詩如河朔大俠鬚髯戟張與之周

旋酒食信父狂草名一時然縱蕩無法正書頗精研

國史唯疑成祖自平胡安南以及河清麟見騶虞

龍馬之祥胡楊蹇夏諸公皆撰為賦頌惟解大紳作

差可觀耳

列朝詩集縉為庶吉士高皇帝極愛之每侍書至親

為持硯高皇帝崩來奔喪謫河州衛吏目李曹公錄

行路難

倚劍且莫嘆聽歌行路難世途反覆多波瀾焦源九折未為

艱君不見漢謠斗粟歌未闌長門瀟瀟秋草殘骨肉之間尙
如此何況他人方寸間又不見絳侯身榮轉繫獄賈生空對
長沙哭功成更覺小吏尊才高甯避讒言逐所以赤松子遠
避中林期誰能吳江上見笑鴟夷皮驪龍有珠在滄海勸君
逆鱗無浪批子推介山下屈原湘水湄當時鑿柄一不量至
今憔悴令人悲行路難難爲言滄浪一曲且歸去長安大道
橫青天

長歌行

有淚莫泣鮫人珠有足莫獻荆山玉赤心徒使按劍看至寶
翻令笑魚目千金蹈海稱達人五噫出關東去秦負芻無復
遇知己空歌白石南山春楚卿棄相復何有於陵甘作灌園

叟雜縣偶集魯東門悵悵胡能事杯酒長風蕭騷百草殘長
劍悲歌涕汎瀾金臺駿骨久已化瑤水風波不可攀畏途羊
腸能折軸作詩爲謝雲間鶴海上三峯久負期醉歸休託平
原宿

趙松雪畫杜陵戴笠圖

碧雞坊裏春風顛浣花溪邊晴日暄浩歌一曲花弄影慷慨
不及開元前飯顆山頭憶相見歷下新亭舊時面吟詩未遣
髭鬢愁愁絕胡塵暗河縣平生落筆五嶽搖調笑不作兒女
嬌錦袍仙人伯仲耳誰謂有作徒相嘲詩卷長留雨不滅玉
顏癯骨俱清絕萬古詩人照膽寒松柏蒼然傲冰雪吳興公
子眞天人寫影自與韓衆親新圖古色照秋水如此子美方

逼真槎翁老仙我所敬十年寤寐遊珠林新詩妙墨聚片紙
令我觀之諧夙心嗟余豈是諸公徒青天空行一事無紛紛
餘子風斯下獨立唯見明星孤呀嗟杜陵焉可呼

王士禎居易錄趙松雪書杜子美戴笠圖深衣烏帽
加竹笠其上足躡芒鞋昂首袖手若行吟之狀下方
有趙子昂氏及松雪齋二印上有劉崧子高題絕句
云杜陵憔悴鬢如絲飲泉自跋云右草堂杜拾遺戴笠
郎客錦袍霜冷更相思白跋云右草堂杜拾遺戴笠
小像吳興趙文敏公所畫往年余得之高安劉氏宅
日與吳興觀畫於桃源山中因持以歸之併題
識其上云洪武庚申秋仲珠林生劉崧書解春雨又
題七言長歌一篇書法精勁類邢太僕末題前翰林
解縉書詩不見本集予平生所見唯故友宋荔裳所
刻秦州像何字度所刻成都浣花草堂像皆石本蓋
皆臨松雪畫而風神不及遠矣
施閨章蝮齋詩話西昌蕭伯玉太常舊藏杜陵圖高
可盈尺純用白描而神采高寒趙文敏筆也劉公子
高題句解縉春雨文書長歌其上此詩既佳而解集
失載字體作指大行草道潤有法絕非世所傳解書

體也時以趙畫劉解兩公題為三絕余官湖西從蕭
氏孟昉見之賞異作詩蕭軛欲見贈不受及歸田再
贈始受之時一展對
如揖浣花老人也

交趾郎事

交趾名藩百雉雄高駢塔在古城東弓刀選士軍容肅鏡角
吟風奏節同蠻女豔粧爭仰髮夷人村鼓共鳴銅可憐新息
猶遺廟桐樹荒涼草棘中

北流句漏洞

北流縣下古銅州平地山巖聳玉樓誰為丹砂赴句漏人傳
蝴蝶滿羅浮楊妃井塌風煙古葛令祠荒草樹秋卻憶故鄉
山更好錦袍歸去掉扁舟

遊閣阜山

到處名山曾一遊今年紫淦更淹留
凌雲峯上九龍井閣阜
山前雙鯉洲宋元碑仆翠苔積草樹日與蒼煙稠
登高弔古愁明月明月西墜愁未休

北流退朝卽事二首

椰子南來百粵中黃藤純束赤筠籠
恩頒內閣分攜去猶有大官黃紙封

大將平湖兀亮阿旌旗雲擁照山河
明朝借我雙雄鳳直上青天聽凱歌

全州雜興

陶生岩畔午風清唐介墳前江水平
兩岸鷓鴣啼不住畫船過鼓到全城

西行

八千里外河湟客烏鼠山頭望故鄉
欲問別來多少恨黃河東去與天長

廣西感舊

去歲端陽奉御筵金盤角黍下遙天
黃封特賜開家宴回首薰風又一年

過三合驛

荔枝子結蟲窠綠倒黏花開女臉紅
望見石城三合驛便分歧路廣西東

石渠隨筆解縉自書雜詩卷字迹揮灑自如頗似懷素特轉折處露鋒耳故此公工力正自不少詩極奇麗多粵中詩蓋永樂五年謫廣西布政司參議旋改交趾督餉化州八年始還此詩爲謫後所作觀此可

知偽文毅集中之繆今擇錄廣西感舊過三合驛二絕未款云此余近日所作數詩皆率爾而成今又率爾書之雖然未嘗敢棄古自為也中間複筆覆筆返筆之妙付有識者自辨之

楊士奇

八首

士奇名寓以字行泰和人建文時以薦授教授旋入

翰林充編纂官試吏部授吳府審理副仍供館職永

樂初改編修入內閣典機務歷侍讀左中允左諭德

學士改左春坊大學士仍兼翰林學士隆慶初擢禮

部侍郎兼華蓋殿大學士進少傅兼兵部尚書正統

初進少師卒贈太師諡文貞有東里全集九十七卷

別集四卷

四庫總目明初三楊并稱而士奇文章特優制誥碑版多出其手仁宗雅好歐陽修文士奇文亦平正紆餘

得其髣髴故鄭瑗并觀瑣言稱其文典則無浮泛之病雜錄細事極平穩不費力後來館閣著作沿為流派遂為七子之口實然李夢陽詩云宣德文體多渾淪偉哉東里廊廟珍亦不盡沒其所長蓋其文雖乏新裁而不失古格前輩典型遂主持數十年之風氣非偶然也

水東日記二月二日秋省郎中彥謚賢友南行詩以

識別楊生青雲器文彩輝白璧腰間龍泉劍別我有

遠適好謀而有成明垂警飭如何才智士宏議薄

文德懷忿忽遠圖急功幸苟得當論萬里行糗糧豫

古昔懷忿忽遠圖急功幸苟得當論萬里行糗糧豫

時積漢廷所遺帥孰是趙充國子行職贊襄屢勉據

良畫雖有斗酒饒安能寫胸臆臨歧念素交聊贈繞

朝策廬陵楊十奇右詩見楊氏世美錄初麓川之議

蓋有主之者內閣未之聽而兵部利之於是一忠殺

公事愈明他日豈無秉公是於形簡而致深慨於是

此事愈明他日豈無秉公是於形簡而致深慨於是

詩者乎

麓堂詩話楊文貞公東里集手自選擇刻於廣東為

八竄入數篇後其子孫又刻為續集非公意也文貞

亦學杜詩古樂府諸篇間有得魏晉遺意者尤精鑒

識慎許可序唐音謂可觀世變序張式之詩稱昂哉

識慎許可序唐音謂可觀世變序張式之詩稱昂哉

識慎許可序唐音謂可觀世變序張式之詩稱昂哉

乎楷而已
 何孟春餘冬序錄晉天文志瑞星凡五宋中興天文
 志瑞星十有二詳滅不一其三則皆曰含譽宣德五
 年冬是星見於九旂朝臣表賀上謙不居賜之重書
 相為戒飭時楊文貞在閣進詩一章有曰宣德庚戌
 月惟己丑其日丁亥名瑞在酉大星如丸九旂之旁
 有祥獻壽皇德仁聖謙讓是崇歸功穹祇歸功祖宗
 歸功聖母亦及臣子伸命飭勵敬哉勿怠數句善寫
 聖君之心
 翰林記太宗在北京有白鵲之瑞行在禮部行南京
 慶賀自皇太子監國以下及五府六部例各進表時
 楊士奇以病在告監國表命庶子贊善呈稿殿下不
 擇命尚書蹇義持以示士奇士奇曰甚寂寥且不著
 題似賀白龜白鹿皆可因命改益士奇改一聯云望
 金門而送喜馴形陛以有儀後增一聯云與鳳同類
 踰殿於帝舜之庭如玉之輝焉焉在文王之囿義以
 進殿下喜曰此方是帝王家白鵲適雨使陳昂進御
 饌徹以賜之且有旨使勉進藥食早相見也
 菽園雜記東里楊先生嘗見崑山屈昉送行詩有佳
 句默識其名一日知崑山縣羅永年以事上京投謁
 東里問崑山有屈昉何如人永年茫然無以對東里

云士人尚不知耶承年慚赧而退及還任乃求訪識
 之未幾有詔舉經明行修之士永年乃以訪應除南
 海縣丞卒官前輩留心人物如此
 懸笥瑣探况公鍾治蘇剛果敏達不畏強毅有惠政
 九載滿去郡民赴闕留者八萬餘人遂再遣任楊文
 貞贈以詩曰十年赴闕留者八萬餘人遂再遣任楊文
 郡十有一年卒於官士民繪其像祀於范文正公祠
 藝苑有言楊文貞之功至今貴之曰臺閣體詩如流水
 為主而充拓之功至今貴之曰臺閣體詩如流水
 平橋粗成小致之文敏胡文穆金正可觀皆大臣有
 詩藪承樂中楊文貞文敏胡文穆金正可觀皆大臣有
 篇什者頗以位遠文苑記序云士奇臺閣之體當世
 西江詩話何喬遠文苑記序云士奇臺閣之體當世
 所推良以朝廷之上但取敷適相沿百餘年有依經
 之儒而無擅場之若其詩清麗則悠然有語文
 貞制誥文字氣格殊非苟學所能到者當有知音味
 思逼真唐人氣格殊非苟學所能到者當有知音味
 余此言
 田按文貞晚年思歸嘗自述胡光大語余術者言同
 官中吾兩人將老得退果若其言即各具小舟可二
 僮操者舟中貯書冊楮筆壺觴棋局如廣訪君艤舟
 君門外一里所遣童子招君徑入舟同泝流至五

雲驛望夫容峯則返權及君入舟處君獨歸廣不過
君竟去君訪廣亦然但流至玉峽而返歲必五六
過訪用此共適餘年他日又語予曰吾兩人情義實
兄弟後死則銘予諾之顧時亦謾言耳豈謂光先
子後也沒後半歲余夜夢偕光大泛舟自快閣至郡
城下同載甚樂共聯詩光起首句僕續第二第三
光大續第四第五僕又續第六第七光大結終句既
覺而忘第五至第七句余悲愴不勝遂補之詩曰
金螺瀟灑對夫容鷺渚漁舟窈窕通遠樹白雲秋色
淨故人清興酒如船同河山夢冷謳吟後生交深感
慨中猶想勝絲如夙昔並騎黃鶴過江東厥後年幾
七十又作歸田趣四時歸田里郊郭外草亭四面青
云霜鬢蕭蕭皇恩重賜昔同里郭外草亭四面青
山綠水好鳥好花春同里郭外草亭四面青
棕帽任道遙東風裏芳草岸平如砥垂楊徑清如洗
散牧處冉冉晴霞飛綺江色比於懷抱淨都無一點
閒塵滓更小兒牛背有書聲清入耳秋漁云七十歸
來西江上堪遊堪釣秋水共天長一色也堪吟嘯穩
坐木蘭漁艇子大兒能網中兒棹小兒自理會蒸香
爐烹茶竈蘋花渚雲爭耀楓岸霞相照山無數清
比方壺員嶠放浪不知天地外蕭閒底用玄真號聽
數聲長笛白鷗前江南調正統初數以高年辭弗許

僅得還鄉展墓數旬即來京前詩見自題雪夜清興
倡和卷永嘉謝廷循為作雪夜清興圖後詞見歸田
圖卷後卷首沈民則隸古詞及自序錢塘蔣廷暉書
畫四段則華亭朱孔易筆也

題陳叔起詩

青山帶長林虛亭負蕭爽溪水流玉虹天光涵滉漾頰潔淹
澹遊寧芳愜幽賞惟有同心人扁舟自迴往

夏夜用謝宣城韻答陸伯陽

連柝起高城微鐘飄廣陌徘徊夏夜長懷人未眠客林風有
餘清庭月流虛白結思渺城南如何違促席

滕王閣送別

章江西來繞洪州滕王高閣臨江流滕王去後無千歲高閣
人間幾興廢昔聞貞觀全盛時大廷金冊封宗支時平還出

乙錄卷三
領旌節富貴非常驕逸滋正對西山俯南浦雕闌朱檻參差
起玳筵鳳管雜龍笙白晝歌聲彩雲裏留連晚日下簾鉤別
有漁歌聞上頭回眸共盼
樂殊未央城頭一夜飛秋霜三春榮盛逐流水佩玉鳴鑾俱
渺茫年深代易無此閣好事何人爲重作絕世留傳蛟蜃圖
東風粉色皆銷落只今閣空臺亦平瀕江但有滕王亭松門
薄暮掩脩竹萬葉蕭蕭寒雨青當時棄德耽遊宴身後荒涼
竟誰歎一種南昌孺子亭行人下馬思東漢君行幾日過江
津弔覽應知作賦新文章自昔三王盛還見今人繼昔人

寄尤文度

昔憶尤參議投簪養病勞卑栖人總厭閒散自能高廚卻胡
奴米門深仲蔚蒿平生冰雪意猶足重吾曹

送向武全吏目

一命微官萬里程清時行送魯諸生天連粵嶠孤城險家渡
湘江數口輕楊柳飛花沾去棹桄榔雜樹隱離情才高莫歎
淹遐僻政滿還來謁聖明

發淮安

岸蓼疏紅水荇青芙蓉花白小如萍雙鬢短袖慚人見背立
船頭自采菱

題少保楊澹菴江鄉歸趣圖

巴陵西畔楚江分曾泛湖波望嶽雲借得君山小龍笛月明
吹向洞庭君

劉伯川席上作

飛雪初停酒未消溪山深處踏瓊瑤不嫌寒氣侵人骨貪看

梅花過野橋

雙槐歲鈔泰和劉伯川善觀人時楊士奇年十四五
與陳孟潔往候之伯川命各賦詩言志孟潔賦云十
焉是日雪霽酒酣伯川命各賦詩言志孟潔賦云十
年勤苦事雖密有志青雲白玉堂會待春風楊柳陌
紅樓爭看綠衣郎士奇即景賦詩云云伯川顧孟潔
笑曰十年勤苦只博紅樓一看耶子當不失風流進
士顧士奇笑曰雖寒士當耐又曰人有不為也而後
可以為子當大用尚勉之惜子不及見也伯川卒
後孟潔果第為翰林庶吉士而士奇官至少師皆如
伯川言

楊榮十六首

榮初名子榮字勉仁建安人建文庚辰進士授編修
永樂初入直內閣賜今名歷修撰侍講右諭德右庶

子學士掌翰林院事進文淵閣大學士仁宗即位進

太常卿尋進太子少傅謹身殿大學士進工部尚書

宣德中進少傅正統初進少師卒贈太師諡文敏有

默菴雲山小橐靜軒退思等集

四庫總目榮當明全盛之時歷事四朝恩禮始終無間
儒生遭遇可謂至榮故發為文章具有富貴福澤之
氣應制諸作風雅音其他詩文亦皆雍容平易肖
其為一人雖無深湛幽渺之思縱橫馳驟之才足以震
耀一世而透迤與有度酌實無疵臺閣之文柄亦有由
矣林枯稿者異也與楊士奇同主一代之文柄亦有由
殿閣詞林記永樂八年成祖北征至野狐嶺召學士
胡廣等賦平胡詩楊榮曰聖主尊居四海安天教戎
虜自相殘上甚嘉之未幾謀知本雅失里與其下阿
魯臺讐殺東西奔遁乃召榮諭曰此賊果自殘滅汝
前日之詩安知不為識乎榮下馬叩謝上喜命賜羊
酒翰林記永樂八年上親征次清水源水皆苦嫌不可

飲人馬俱渴改營西北二三里許忽有泉湧出清徹
可愛命楊榮與胡廣往觀遣中官以銀瓶汲取上親
嘗之味甚甘美賜榮等飲訖士馬爭趨之皆給足命
曰神應泉又明日應制撰神應泉詩銘上嘉之各賜
上尊宣德二年三月賜見榮獻頌上褒賞之三年
扈從北征凱旋進平胡詩凡十篇各立題命意上覽
之喜屢沐白金鈔幣之賜饑寒濱死頗善丹青不能
閩小紀聞有貧生客京師饑寒濱死頗善丹青不能
售一錢因以兩幅獻楊文敏公榮公題其上而還之
詩云誰家老屋枕溪濱十里青山半是雲此處更無
塵迹到祇應啼鳥隔花聞明日張此畫於市價遂湧
起田按西陽銘東陽墓云北裔西垂從狩萬里職典著
文亦兼知武羌虜胸臆帥垣弱強重瞳屢顧敷奏惟
明參機務者不熟塞垣形勢何以禦侮後來惟張江
陵庶足當此

平安南頌

於皇太祖統一萬邦普天率土來廷來王歲時貢獻厥篚相
望如彼葵藿心傾太陽赫赫業業端拱而治嘉祥屢臻靈物

畢至文武將相視同一體龍興雲從風行草靡南平江漢北
定朔方中原晏然以耕以桑閩浙蜀越悉歸版章我皇繼統
一遵成憲敬天勤民恭己南面萬里邈遠如覲目前幽側荒
僻無不燭焉蠢茲南夷肆逞悖逆在廷臣庶請加誅殛皇帝
曰吁藐焉狂獠敢肆凶頑自致天討乃命大將旗旐央央鉦
鼓喧鑼師律而臧嗟爾蠻夷蕞爾土壤蜂蟻之眾狐貉之黨
潛形穴巢孰使狂罔天戈一麾魂褫魄喪帝戒將臣神武不
殺殲厥渠魁下人可活帝戒將臣奮揚威武相其原隰梁入
其阻將臣所至悉諭聖恩振威揚武雷擊電奔逆豎潛伏殲
拔厥根以解倒懸以雪煩寃帝謂將臣爾訪陳氏厥胤伊何
求立續嗣咨詢陪臣曰無餘裔國人盡傷歔歔怨詈帝曰吁

哉惟彼南人雖在蠻貊同乎大鈞棄而弗理禍亂彌臻蕩滌
瑕穢紀綱維新邦之耆老咸詣轅門請置郡邑維屏維藩教
以忠孝俾知彝倫耕食鑿飲同我夏人邦人有言昔荷戈戟
昏迷弗恭妖狐所惑今見王師如拯焚溺輸誠歸向剗破洗
滌邦人有言聚躡跳踉獠犬所制莫知其方今覲義旗正正
堂堂引拔崖石置之康莊扶攜涕泣指誓天日銷兵歸田裂
幟入室祛其狼暴以儆質實世世臣妾永保甯謐將臣撫循
以寬以勤征夫鼓舞行旅懽忻歸牛休馬喜動風雲凡在戎
行咸預顯融莫不稽首惟皇之功惟皇之功克紹太祖惟皇
之基超軼前古惟皇之德上侔堯禹於萬斯年作民父母

田按西楊亦有平安南詩格義精整東里集人所習見故捨彼錄此

題王侍講山水

木落霜氣清秋山淨如洗天空萬籟寂地迴孤雲起深溪湛
寒綠對此清心耳安得掃蒼苔橫琴寫流水

雲山圖爲東里楊公作

雲山何苕蕘林木鬱而秀繞庭芳草深清禽哢春晝有書可
覽適有田可耕藉因接嶧陽桐一寫邛中奏

題張真人鳩峯清暑圖

鳩峯嵯峨幾千尺屹立江南半空碧仙家正在龍虎山林壑
翛然絕塵迹茅屋俯瞰峯之阿石泉飛洒浸垂蘿向來六月
不知暑空翠滿襟涼氣多道人時把瑤琴理流水高山少知
已問誰載酒泛中流來聽清商聞宮徵我生性嗜山水幽忽

見此圖清興留何當從子問真訣周覽八極尋丹邱

題吳尚書山水圖

青山嵯峨半空立萬疊芙蓉紫煙溼峯前昨夜春雨深繞澗
飛花水流急隔嶼人煙凡幾家一徑蒼苔石磴斜溪迴路細
長芳草月落林幽歸暮鴉山深洞口行人少白雲飛墮青林
表恍見滄洲樹色微如聞古寺鐘聲杳茅檐日出雞犬喧十
里煙光連遠村依稀乍入篔簹谷彷彿自是桃花源乃知畫
者通元理點染天機筆鋒裏尚書愛此欣得之素壁高堂見
山水人間美景不易尋此圖直比雙南金玉堂展卷慕清絕
爽氣蕭蕭風樹林

宋徽宗耕牛圖爲黃福少保之子題

春原過雨春日熙春樹連陰春草肥田家力耕貴及時手挽
牛兮肩負犁草香泉美牛步遲農心汲汲應何爲上恐公家
賦稅虧下慮私門妻子饑吁嗟牛兮胡不知宣和之初能念
茲九重燕暇親寫之驕奢一動萬事隳塞草黃沙千載悲

賜遊萬歲山詩

有序

宣德三年三月庚辰上命尚書臣蹇義等十有八人
同遊萬歲山頃之中官傳旨許乘馬及將從者二人
既入東上北門乘馬及乾甯門下馬步出度橋中官
導引登山周覽復賜登御舟泛太液池賜茶及素羞
十餘品而凡蕩漿持楫者皆中使唱和合律旣而抵
新建圓殿地勢奇勝金碧照耀恍若身在蓬萊宮闕

有間上乘馬至慰勞甚周臣等皆叩首稱萬歲上大
喜徘徊久之特召臣士奇臣榮諭以天下無事雖不
可流於安逸而政務之暇命卿等至此以開豁心目
庶幾古人遊豫之樂不在拘檢也臣士奇臣榮叩首
稱謝而退傳諭羣臣方憑檻觀中官拏舟網魚復有
旨入賜御釀玉醅一甌飲復命乘馬遊小山行一里
許上乘馬繼至羣臣勿促將下馬迎特旨勿下諭中
官人賜鈔三千貫從者人三錠且令中官陪至小山
飲饌盡醉而歸駕遂回未半里遇池中水鳥羣飛上
親發一矢中一鳥墜馬前諸臣方入小山門遙見中
官持鳥至傳命賜義等炙食之羣臣望闕叩首謝遂

遊小山觀二獅子滾球并觀金龍噴水水簾及曲
水流觴之處皆雕琢奇異布置神巧莫不稱讚良久
乃退坐松柏間享酒饌皆珍奇之品中官相與勸酬
甚懽酒未闌人賜鸚鵡一將徹復賜從者酒食皆醉
飽而歸及出西安門天已暝抵家更初鼓作羣臣莫
不感恩懷德以爲萬世之奇逢翊旦臣義等方相率
詣御前稱謝而中官傳旨免謝羣臣不勝惶恐感戴
天恩之至臣榮竊以爲君臣相遇自古爲難昔唐太
宗之世房玄齡輩十八人得承寵眷時以爲登瀛洲
至今相傳以爲盛事臣榮何幸遭際聖明夙夜兢惕
深以弗克報稱爲愧伏蒙聖上不以臣榮不肖爲嫌

乙錄卷三
屢錫寵恩獎諭甚至今復得預斯列恩榮之盛無以
復加敢不勉盡心力以圖効報於萬一乎因不揆蕪
陋謹賦五言律詩十首以述皇上眷待臣下恩禮之
隆以紀羣臣遭際之盛且使後之爲臣者有所勸勉
焉

瓊島宸遊日隨遊切九重天恩許乘騎仙仗從飛龍迤邐雲
霄近汪洋雨露濃詞臣何慶幸千載得遭逢
太液春波煖承恩泛綵舟輕盈蘭棹發蕩漾玉虹流簾影移
宮樹茶香出御甌此中多勝景況是從宸遊
翠巘開新殿團花簇玉闌醅醪天上賜仙境御前看浩蕩恩
波潤光榮禮數寬微臣沾聖澤何幸侍金鑾

奉詔隨鸞馭遨遊徧小山風光連禁籞花影覆清灣路繞金
宮轉雲隨綵仗還紫駟如掣電倏已度仙關
猛獸來西極低回御苑中爪牙眞猛捷毛骨獨奇雄寶樹橫
金瑣珠毬結綵茸從容看率舞還想有虞風
玉澗通泉脈金龍噴雪花崢嶸山骨潤滉漾水簾斜暝色凝
飛雨清聲隔綵霞此中塵不到應卽是仙家
水鳥多馴狎偏隨綵仗飛六龍迴御輦一箭落毛衣珍味同
霑賜儒冠倍有輝獨慚無寸補遭遇古來稀
松柏清陰滿林間列宴時玉階分御賜仙醴泛金卮翠金駝
峯異雕盤鱸縷奇恩同天地濶思報永無涯
珍禽來異域分賜出雕籠稟質生尤異能言類莫同宴遊逢

聖世恩眷自宸衷感激應無極懷思意不窮
四海同熙皞宸遊樂太平綵雲隨御輦瑞日照霓旌賜賚何
稠疊霑承感聖明永言歌帝德千載播鴻名

楊溥 八首

溥字弘濟石首人建文庚辰進士授編修永樂初進
洗馬以事逮繫錦衣衛獄仁宗即位擢翰林學士進
太常卿宣德中召入內閣典機務遷禮部尚書正統
初進少保武英殿大學士卒贈太師諡文定有文集

十二卷詩四卷

李賢古穰雜錄先生在獄中十餘年家人供食數絕
糧又上命莫測與死為鄰愈勵志讀書不輟同難止
之曰勢已如此讀書何為曰朝聞道夕死可也五經
諸子讀之數回已而得釋晚年遭遇為閣老大儒朝

廷大制作多出其手實有賴於獄中之功初入鄉試
為首選胡儼典文衡批其所刊文曰初學小子當退
避三舍老夫亦讓一頭地又曰立玉階方寸地必能
為董子之正言而不效公孫弘之阿曲人以儼為知
人水東日記楊文定公最善王檢討振張修撰益相見
輒出所作就二人評有所改易即樂從公亦善改人
文字泰和陳學士當筆譏祭文欲有所易陳忿然不
平見於言色公即已之
田接世稱西楊文學東楊政事南楊雅操犴獄十年
養晦愈明漢庶人反南楊從征詩云攬槍耀齊分龍
御勤六師出門馳馬去不暇告妻兒親友送我行欲
語難為辭死生豈不郵國事身以之可謂社稷臣矣
文定集世所罕見余從真定梁氏購得甄錄較他集
為多

宣德丙午扈駕巡邊途中感興十首 錄四

膏車度重關重關路漫漫兩廂既充牣四牡何盤桓翹首望
前軌迢迢不可攀任重難為力臨歧發長歎

策馬登崇岡一覽洞八荒山川限南北華夷有定疆猗歎商周盛以德為保障秦隋勤遠略禍亂起蕭牆

前車既脫輻後車屢剝行幸爾出險道蒸徒發歎聲為語推車人戒慎宜有恒不見平路上覆轍方縱橫

同居貴安逸同行共苦辛牽車朝出門長坂沙沒輪前呼後相應推挽到平津豈徒貴同力尤貴同心人

送歸州太守復任

青年太守好風儀眼底如今更覺稀典郡遙臨巴子國征帆重過呂公磯茶輸官課秋前足稻種山田火後肥南望鄉關遙送客歸心應逐塞鴻飛

送鄒侍講仲熙扈駕北行修實錄

紫蓋黃旗出九重綠楊馳道馬如龍中原形勝經行舊太史文章製作雄仗外金蓮輝夜月花邊玉珮度春風封章多是陳民俗不羨相如一賦工

題玉樹瓊林卷

半簾晴雪草堂春石鼎清茶趣味真誰羨名園桃與李輕車寶馬逐香塵

送素庵給諫還里

槐陰滴翠滿前除芸閣涼生暑雨餘啼鳥數聲清晝永北窗睡起課兒書

明詩紀事
貴陽陳田輯
乙籤
三首
廣字光大吉水人知府子祺子建文庚辰第一人及
第更名靖授修撰永樂初直內閣復名廣歷侍講侍
讀右庶子翰林學士兼左春坊大學士進文淵閣大
學士卒贈禮部尚書諡文穆洪熙初加贈少師有文
穆集二十卷
東里集文穆為文援筆立就頃刻千百言沛然行雲
流水之勢賦詩取適性情近體得盛唐之趣工書法
行草之妙獨步當世
翰林記永樂十八年禮部郎中周訥請封禪大臣有

明詩紀事

貴陽陳田輯

乙籤

胡廣 三首

廣字光大吉水人知府子祺子建文庚辰第一人及
第更名靖授修撰永樂初直內閣復名廣歷侍講侍
讀右庶子翰林學士兼左春坊大學士進文淵閣大
學士卒贈禮部尚書諡文穆洪熙初加贈少師有文
穆集二十卷

穆集二十卷

東里集文穆為文援筆立就頃刻千百言沛然行雲
流水之勢賦詩取適性情近體得盛唐之趣工書法
行草之妙獨步當世
翰林記永樂十八年禮部郎中周訥請封禪大臣有

陰主之者學士胡廣獻卻封禪頌上遂止
藝苑厄言胡文穆善真行草名不及解大紳而遇過

之北征諸鎮皆其勒石
金陵瑣事大學士胡公廣冬至後六日扈從獵龍山

同塞尚書金諭德遊牛首山佛窟寺詩云曉從鑿與
出九關偶尋牛首共躋攀南唐古寺留碑在西蜀高

僧度錫還百尺巖龕出鳥上半空鐘鼓隔人間舊遊
已覺塵緣寂到此方知佛窟間注云寺有南唐孫忌

撰碑尚存余因此詩遍尋之山中無此碑
國史唯疑永樂四年集儒臣及修書秀才數十人於

丹堦內同賦白象詩胡廣第一
田按光大詩和平蘊藉西楊稱其近體尚非溢美

送周判官致仕

送別倒離樽春風白下門煖煙滋柳色新水上潮痕落日迴

孤棹幽居憶舊村獨憐江浦月隨處照黃昏

重陪駕至太液池

玉砌臨無地飛甍上倚天微風斜舞燕高柳沸鳴蟬芳草茸

茸細池荷箇箇圓孰知丹禁裏別有好林泉

翰林記永樂中學士胡廣等七人從上幸北京每令
節燕閒扈駕登萬歲山侍宴廣寒殿泛太液池以爲

常廣等多爲歌詩以記之
田按胡若思和胡學士侍駕遊萬歲山詩云鳳輦宸

遊日祥雲夾道紅香風傳別殿飛翠繞行宮徑轉千
巖合波迴一鏡空忽看鸞起聲在半天中澗道蒼

苔合房櫳繡戶分碧涼晴欲雨錦石暖生雲嘉樹干
尋秀靈蒲九節芬廣寒宮闕近天語半空聞閣道雲

爲幄花迎寶扇開更無凡跡到只有異香來柳拂金
輿度太液煖浮春遊太樂事扈從得徘徊雨晴山

色好太液煖浮春遊太樂事扈從得徘徊雨晴山
寵渥載筆煖浮春遊太樂事扈從得徘徊雨晴山
和胡學士春日陪駕遊萬歲山詩云鳳輦宸
殘花尚濃龍香浮日動鳳蓋拂雲來疊巘參差出層
雲麗碧空五城雙闕外宛在畫圖中巖峩凌丹壑鳴鑣
匡跨紫臺幽情不可極臨眺重徘徊王希範和胡學
士從遊萬歲山詩云飛旆凌丹壑鳴鑣就水開共誇
雙鳳下雲裏六龍來寶殿臨空敞瑤筵就水開共誇
青鎖客陪宴柏梁回梁用之和胡學士從駕幸萬壽

山詩云春樹如雲綠春花勝錦紅晴波融太液旭景
絢瑤宮鶴馭移丹禁鸞旂拂紫空輦前歌吹發響入
翠微中玉泉凝石髓金粉落松花蓬鳥行應近丹邱
去不賒宸遊乘淑氣物色媚韶華還道相如渴傳宣
亦賜茶憩輦餘芳趣流觴愛晚春圓荷剛出水細草
欲薰人鳥過時衝仗魚遊不避綸君王多樂事及物
在深仁珊瑚交密樹翡翠錯篁眠麝晴薰日馴禽
潔似霜雲窗飄桂子風榭鏤芝房回輦經行處還憐
暝色蒼錄光大
詩並附於此

送江仲隆

十年清宦住京畿白髮蕭蕭老布衣鄉里交遊前輩在關河
離別故人稀官橋細柳藏新雨水驛輕帆背夕暉我有愁懷
何處寫秋來目望雁南飛

胡儼七首

儼字若思新淦人僑寓南昌洪武丁卯舉人授華亭

教諭改長垣求便地復改餘干建文初遷桐城知縣

永樂初授檢討入直文淵閣歷侍讀左春坊諭德改

國子祭酒兼翰林侍講掌院事洪熙改元以疾乞休

進太子賓客仍兼祭酒致仕宣德初以禮部侍郎召

辭歸有頤菴集三十卷

四庫總目儼詩頗近西江一派詞旨高邁寄託深遠與

三楊之和平安雅者氣象稍殊

翰林記太宗朝內閣七人者在館閣相與倡和有直

閣即事諸詩侍講胡儼嘗有句云清曉朝回秘閣中

坐看宮樹露華濃綠窗朱戶圖書滿人在蓬萊第一

畫史會要若思以水墨秃筆寫羊鹿甚生動亦能竹

石蘭蕙

夢蕉詩話胡頤菴以文學鳴世洪武間為東宮侍讀

官入永樂為國子祭酒常就學舍謁文山祠有詩未

云南歸慷慨勤王日北上從容就死時千載英風動

毛髮黃鸝碧草不勝思予謂頤菴之句佳矣特所謂

思之一字恐未也正學子甯二公與先生舊為同官
 地下修文處相見當不免話及往事
 田按賓客詩詞格軒爽較勝晁菴惟大篇不耐多吟
 頤菴集末附詩話數則述虞伯生寫韻軒滕王閣等
 詩多在朝臺歸田藁所載者大與翁覃溪閣學輯
 虞文靖集搜羅頗富於滕王閣詩僅錄二首蓋未見
 斯集也李文正麓堂詩話云胡文穆別號晁菴集載虞伯
 生三詩今檢文穆集無此詩文穆別號晁菴無澹菴
 之號蓋偶誤記也賓客於永樂王午遷侍讀甲申遷
 論德見楊文定所著墓碑史稱直文淵閣遷侍講進
 左庶子與碑不
 合偶未檢耳

短歌行

前有尊酒揚眉浩歌少壯不樂老當奈何瞻彼芳樹灼灼其
 華清颯颯至落葉辭柯蜉蝣朝飛蟪蛄夕悲空江鴻賓遙海
 燕歸錦席高張嘉賓滿堂朱絲玉柱汎羽流觴翳翳昧谷羲
 馭已促為歡未終更當秉燭

驟暑

端居適煩煥策杖散幽襟逍遙池上行愛此嘉樹林游鱗泳
 微波黃鳥遺好音遙睇高原綠欣然借夙心疏雨忽飄灑浮
 雲生夕陰坐來屏明燭空對窗間琴陶然即枕席焉知古與
 今

舟中雜咏

路逐淮南去人從薊北回青山看漸近白鳥過還來候吏依
 沙立征帆背月開誰家煙霧裏風笛弄清哀
 過赤壁

一棹空明泝碧濤遙看赤壁聳江皋開樽晚對青蘋雨倚劍
 秋生白苧袍夏口東邊山月小武昌西上楚雲高醉來直欲

騎黃鶴接迹飛仙萬里遙

槐陰草堂詩

雨後高槐初著花綠陰門巷靜無譁窗前亭午頻聞鵲墻角
新晴偶見蛙十載優閒兼侍從數椽質樸似山家清風一室
無人到紗帽籠頭自煮茶

寄張子俊

貝葉書成積滿函茶瓜留客共清談幾回淨掃鵝溪絹綠水
清山興更酣

雙溪流水

一逕綠陰清香杳雙溪流水碧迢迢如何畫得溪中景花映

青山柳映橋

金幼孜

六首

幼孜名善以字行新淦人建文己卯舉人授戶科給

事中永樂初改翰林檢討入直文淵閣歷侍講右諭

德學士進文淵閣大學士洪熙初拜戶部侍郎加太

子少保兼武英殿大學士進禮部尚書宣德中卒贈

少保諡文靖有集十二卷

頤菴集金諭德北征詩詞雄句傑遠揚天聲如金鐘

大鏞震乎寥廓之外

田按文靖與楊文敏胡文穆在成祖時最為親幸征

伐巡幸嘗在左右有句云御前視草冰生視帳下題

詩雪滿蘊又云近苑獵風猶賜饌行宮朝罷更題詩
文臣榮遇於斯極矣
送熊元節還南京
熊君負經術早歲登青雲素承明主知超擢中朝臣繼聞陟

大理奉命專諮詢風聲振吳越次第甦疲民鋤奸去豪猾
凶格頑嚚遂令東南郡皞皞被皇仁聖情日虛伋屢勅嘉勞
勤三載積憂懼馳情懸紫宸及茲奏對日款慰尤諳諳申命
職憲紀榮光動朝紳南臺旣專任委寄真殊倫繡衣明白日
清霜肅陽春豈惟載貪墨實以繩繆愆况聞澄清地表率由
一身惟君秉直諒操履端且純屹然重時望所至揚清芬蹇
予忝朝列交誼夙所敦睽違渺南北夢寢勞心神幸茲諧盍
簪晤對逾兼旬忽聞別我去惻惻難爲言驪駒發前路遙瞻
動芳塵衣冠擁廣陌絲管一何繁握手且未辭盡此黃金尊
人生會合間百歲若轉輪勉圖報稱致身在君親永懷保
終譽景仰希前聞廬陵多達士至今耀斯文忠節著宇宙千

載垂不泯勗哉踐古道永矢期勿諉

爲王侍講時彥題秋意圖

長天帶遠景絕島含秋意橋響客時過竹深門獨閉蒼煙迴
蕭瑟落日生迢遞回首大江西故山何處是

春日隨駕北征次清河

萬乘統元戎鳴鑾出九重煖塵生輦路晴雪照行宮旗影西
山外笳聲落照中書生懷脫略須敵萬夫雄

雲山草堂爲楊庶子賦

聞道幽居近翠微好山多與白雲齊柳堂日煖花爭發門巷
春深鳥自啼酒醒每從松下坐詩成間向竹邊題一從射策
金門去風雨年年夢建溪

金門賦赤壁贈蕭長史用導之靖江

大江東去碧溶溶水淨沙平接遠空月下勝遊非舊日眼中
遺迹感英雄猿啼斷岸孤帆雨鶴唳滄州一笛風料想登臨
無限意題詩還憶訪坡翁

晚出長安門偶成

白髮鬢鬢老從官籃輿自便懶登鞍京華久住交遊少惟有
西山耐久看

夏原吉一首

原吉字維喆湘陰人以鄉薦入太學授戶部主事坐
事繫獄仁宗立復官進少保兼太子少傅宣德五年
卒贈太師諡忠靖有集六卷

四庫總目原吉以政事著不以文章著然致用之言疏

通暢達猶有醕實之遺風

田按忠靖詩慙質有味論饑烏云饑烏來屋頭軒然
振雙翼啞啞向我啼其意欲得食我行顧我廚餘餽
頗云積足可療烏饑盡與非所惜緣以目前人困乏
動千億況此所餘餽粒粒用民力我食尚懷愧飼烏
甯不惕饑烏勿此啼山林
有榛栗藹然德人之言也

小江垂釣

小江江水綠如酒兩岸春風舞垂柳老漁落魄一事無三尺
綸竿長在手有時釣得縮項鰻隨綠沽酒供餘年不圖星辰
動天闕醉來即藉羊裘眠

黃淮一首

淮字宗豫永嘉人洪武丁丑進士除中書舍人成祖
即位入直文淵閣改翰林編修歷侍讀左庶子進右

春坊大學士以事下詔獄十年仁宗即位復官入內閣進通政使兼武英殿大學士復進少保戶部尚書宣德初以疾乞休正統中卒諡文簡有省愆退直入

觀歸田等集

四庫總目淮文章容安雅與三楊體格畧同集以省愆為名當患難幽憂之日和平温厚無所怨尤可謂不失風人之旨翰林記宣德初大學士黃淮乞骸骨不許固請始令歸田養疾賜楮錢萬貫陞辭加賜萬貫既歸遂乞致仕丁外艱賜祭葬以一品禮准入謝賜遊西苑召淮之子采從行且特命乘肩輿登萬歲山賜宴於山之麓淮獻詩謝上悅比辭宴餞於太液池親灑宸翰製詩送之給路費賜織金紗衣一襲且諭之日明年朕生日卿其復來如期至上留之數月乃辭歸去

懷院中竹寄楊學士士奇

一別詞垣數月餘娟娟修竹近何如夢回還想林間醉詩就

誰從節下書翠色凝煙春院寂清陰籠月夜窗虛料得同袍能愛護平安莫遣信音疏

翰林記學士黃淮有憶院中竹寄楊士奇學士詩今公署無竹蓋南京舊院也

黃福一首

福字如錫昌邑人洪武中以太學生授金吾前衛經歷上書言事起拜工部侍郎永樂初進尚書改北京行部尚書坐事下獄謫充為事官未幾復職安南平以尚書掌布政按察二司事仁宗即位召還兼詹事宣德初仍以尚書領交阯二司事為賊所執旋送出境還為行在工部尚書改戶部又改南戶部兼掌兵部正統初加少保參贊南京守備機務卒官成化初

贈太保諡忠宣有集十三卷

送人回廣西

海口春光早沙頭柳色新滿斟交趾酒遠送桂林人

嚴震直一首

震直名子敏以字行烏程人洪武末以糧長授通政

司參議再遷工部侍郎進尚書改右都御史尋復為

工部尚書致仕成祖即位以故官巡視山西至澤州

病卒有遺興集

靜志居詩話尚書由運糧萬石長舉為布政司參議
未之官留署通政司事歷工部尚書洪武三十一年
春致事建文元年己卯復以年老辭不與事帝念其
任事久留住京師考遣興集中有謙集賜第之葵心
堂詩乃是年三月十五日事分韻者為董學士倫茹
尚書瑞高太常遜志任尚書亨泰程都御史本立李

尚書至剛鄭庶子濟黃侍郎福張尚書統高經歷德
賜第最幽徹迴出埃塵裏庶子詩云尚書遂休致賜
第居京洛侍郎詩云司空居廟堂憂國鬢如絲掛冠
神武門賜第留京師歷歷可證而續藏書謂尚書歸
老在里長陵以兩馬夾袋身至京致身錄又稱靖難
兵起時督餉山東皆安也載攷文皇帝實錄王午七
月二日督餉山東皆安也載攷文皇帝實錄王午七
數年來兵興北方之民疲勞尤甚朕所舉義者為宗
社生民計今宗社既安而北方之民未安朕夙夜不
安乃命薛正言等分往山東山西陝西等布政司巡
天府尹薛正言等分往山東山西陝西等布政司巡
視民瘼何弊當革何利當速具奏來尚書受詔往
山西是秋九月十七日病卒於澤州公廨合之忠誠
伯茹瑞所撰嚴公神道碑無異初不聞奉長陵密詔
往雲南訪建文帝也吾學編遜國表忠臣之首萬歷
何所據信吞金為實列尚書為後死忠臣之首萬歷
十九年巡按御史黃鍾疏請建祠曰旌忠列在祀
典越數十年其裔孫祗字文昭作祠祀辨大指謂吾
祖功業炳耀史冊何藉吞金一死以罔天下後世黃
公欲顯吾祖適足以誣吾祖也隱文昭不欲誣其祖
可謂賢子孫矣

田按尚書事蹟竹垞詩話考據極詳詩綜錄尚書詩於洪武諸臣之列義仍未允今遵明史列於永樂諸臣之次

過李白祠

采石江邊太白祠行人長說舊題詩汶陽別後無消息落月空梁入夢思

張統一首

統字昭季富平人洪武中舉明經為東宮侍書累遷試左通政出為雲南左參政遷左布政使建文初召為吏部尚書成祖即位咎建文時改官制者令解職月給半俸自經死有鷗菴集一卷

田按尚書官滇有惠政治行為天下第一史稱朝士董倫王景輩謫滇統接以禮意余檢張適滇池集有

尚書山行晚歸詩云飛蓋追隨攜酒去狂童嬉笑折花歸令適續成之頗稱好事不僅以吏事見長也尚書之死鄭端簡吾學編黃泰泉革除遺事尹直嘗齋瑣綴錄等書皆列於建文死事之臣今檢明史成祖入京師錄中朝姦臣二十九人統與焉以茹瑺言宥仍故職無何帝臨朝而嘆咎建文時之改官制者乃令統解職務懼自經死右稱死有重於泰山死有輕於鴻毛者其尚書之謂歟

登太華寺

連日登山意未闌今朝又宿白雲間簾幃寂寂香初爇星斗垂垂手可攀竹葉煮湯消夜渴杏花留雨作春寒碧雞且莫啼清曉一枕華胥睡正安

李至剛一首

至剛名綱以字行松江華亭人洪武中舉明經授禮部郎中坐事戍邊召為工部郎中遷河南右參議建

文中調湖廣左參議永樂初以薦授右通政進禮部
尙書兼左春坊大學士降禮部郎中以事繫獄十餘
年仁宗卽位釋爲左通政尋出爲興化知府

田按至剛楊廉夫弟子詩惜不多見

嶽麓懷朱張

我謁朱張談道處高明亭向湘江開萬山香氣松桂合半夜
秋聲風雨來白雲封蔽蟒蛇洞碧澗響近赫曦臺古迹宛然
在我目乘興題詩鐫石苔

劉季篴一首

季篴名韶以字行餘姚人洪武甲戌進士除行人擢
陝西參政建文中召爲刑部侍郎永樂初坐事下獄

尋以儒服隸翰林編纂授工部主事

樂靜爲謝庭循賦

至理本虛寂真源抱冲素若人事幽討貞心隨所寓離家雁
宕雲聽鶯上林樹朝陽射筆削清風生禁籞得意偶自適立
靜復誰語鄉心越上山詩夢青原句幽禽嘯翠岑岩花泣朝
露欲結靜中鄰山深雲碧處

葉砥一首

砥字履道上虞人洪武辛亥進士除定襄縣丞坐累
謫涼州建文初以薦授翰林編修出爲廣西按察僉
事永樂初以史事被逮尋起爲吏部郎中改饒州知
府有芝山退朝盤坡溪居等集

雨窗雜寫

傲屋西溪溪水西避喧暫爾託幽棲人家茶竈烟生竹野店
酒帘風滿隄花片減春隨雨落鳥聲拂曙隔林啼輞川曾記
王維畫錦里慚無杜老題

姚友直一首

友直字口口蕭山人洪武口口進士授中書舍人改
翰林侍書永樂初進洗馬左春坊左庶子出為雲南
參政領滕府長史事宣德初召為太常卿

鎮江舟中食魚

金陵城中住七月客居無地憐彈鋏扁舟九月出城東大江
秋水如白虹揚帆南下一千里江上人家漁作市大魚頭尾

長過人壚頭香壓梨花春魚賤可食酒可飲萬事盡付邯鄲
枕

應諤一首

諤字尚節黃巖人建文己卯舉人永樂中用薦為谷
府教授坐事免

綠陰清畫圖為桂衡先生賦

湘水東偏灌木稠小齋新築擅清幽繁陰匝地不知午涼氣
襲人渾似秋風度每驚蒼雪墜日移時訝碧雲流何時寫向
丹青裏拂拭令人憶故邱

周宗璫一首

宗璫字景琰臨海人洪武中以貢授禮部主事永樂

初出為興化知府
田按景琰守興化有惠政郡中名勝多留題詠

囊山寺

巨崖忽墜清溪潄嶄然上擁深樹林地險久無斤斧入生自
何年傳至今山中怪奇不可數似與人間異風土古根寒漱
百道泉鐵幹高排九秋雨金風昨夜吹扁舟有客不歸心悠
悠喚童解衣換美酒晚來獨酌溪上樓隔溪野火明復沒老
僧囊頭豈不出若人豈是知禪宗義爾平生有仙骨我生於
世無所求閒來便作山門遊山中猿鶴不相訝水飲巖栖終
白頭

明詩紀事

貴陽陳田輯

乙籤

陳瓚 十首

瓚字廷器東莞人洪武丁卯舉人除桂林教授遷國
子助教永樂初知許州改滁州尋以揚州知府攝州
事擢四川按察使入為南通政使掌國子監事終禮
部侍郎有琴軒稿三十卷

抑菴集陳公文詞典重人愛之如拱璧
梁崇善廣東詩粹黃才伯云琴軒當永樂初鋪張朝
廷盛德為平安南巡狩平羌三頌及饒歌鼓吹曲十
二首以獻文皇覽之大加稱異以滁州守超擢西蜀
憲使文人遇主之隆論者以此相如奏賦殆有過之
云

屈大均廣東新語明興東莞有鳳臺南園二詩社其詩頗得源流之正琴軒陳公嘗錄自宋元以至國初為保安詩錄田按侍郎詩詞格俱精天然秀拔

楊白花

楊白花隨風飛去落誰家美人沈思抱幽怨連臂踏歌情戀戀江南江北春茫茫何不仍飛歸洛陽

白紵詞

舞白鳧歌白紵纖腰皓齒東隣女清聲裊雲情縷縷郢中白雪何足數涼風蕭蕭雁南翔玉顏滿堂樂未央此舞此歌那可忘

遊惠山

泛舟過梁溪芙蓉水初冷折芳渡遙澗訪竹緣修吟飄然陟

崇崗遠日時一騁川原入遐曠一一意先領虛壑度松聲陰崖落雲影秋草荒厯山露葉垂舜井湛陸宅久墟榛翳道全梗訪古情彌切懷賢意方永下尋漪澗堂因訪招提境埽地焚名香汲泉試新茗頓覺心源清豈徒勞務屏重期望太湖飛步登絕頂

瑯琊古剎

開化古蘭若乃在瑯琊山樓閣倚霄漢丹碧炫巖巒鐘聲度幽壑幡影落空潭昔聞琛粲翁巢居白雲端折葵事清齋煮苓供晚餐冥坐悟禪寂不知芳歲闌

遊瑯琊開化寺二首

環滁皆名山瑯琊擅幽勝雲霞紛卷舒泉石互相映維時春

乙錄卷五
載陽日出天宇靜禪宮凌紫霄虛壑度鐘磬逍遙者誰子抱
琴候蘿逕相逢共忘言頗領此時興

茲山信靈異地勢復高爽清風韻金鐸晴日麗銀榜鶴歸幽
林動魚躍寒潭響娟娟紫蘭秀暉暉玉芝長尙羊極幽討足
愜平生想拙思託素毫方期重來賞

菱溪夜雨

菱溪浩瀰漫萬頃同一色新漲涵綠莎寒光浸苔石浮雲結
暝陰倏覺溪水黑入夜風雨來蕭騷聲轉急菱歌淒以斷漁
唱坐來寂劉金宅久荒空滋土花碧

六月五日致齋龍潭精舍

靈湫湛泓渟神宮極虛敞下有龍所棲雲氣日來往疏林過

新雨臺榭脩清爽山色晴更幽泉聲靜逾響徘徊縱良覲足
愜平生想安得長此居坐看玉芝長

會同館對雪

新陽力猶微陰氣尙鬱結昨宵風雨來吹作瑤空雪芳姿飛
玉塵虛簷落冰屑軒墀肅且靜對此更奇絕寒光耀文窗素
色映華棧錦帳璣瑜温醉面生綺纈每念沙場人衿裯冷似
鐵

多景樓

獨倚闌干久涼風滿客衣樹從京口斷山到海門稀雁影橫
秋色蟬聲送夕暉蕪城纔咫尺樓堞望中微

錢仲益

六首

州路錄事洪武末舉明經為本縣訓導建文中以薦

入為太常博士遷翰林修撰永樂初改漢府長史有

錦樹山人集八卷

都穆談纂無錫錢仲益洪武末為本縣訓導後以御

史薦入為太常博士與修高帝實錄升為翰林修撰

卒於漢府長史後漢府謀叛事敗帝閱其啟大加賞

嘆其家得免於難

盛明百家詩錦樹兼善寫生所題圖畫人以左手字

跡驗之

田按詩綜稱仲益為周府長史余檢錦樹山人集有

奉令作戰馬歌云王師奉天命南征下江淮乘之大

小七十戰南眾望風先已摧屹然當陣如立壁猛氣

凌空勢無敵仰天奮迅時一鳴萬馬震驚皆辟易曾

著六矢不動身其鋒銳若雷將軍又有奉令作大將

軍八面威風歌云身居玉帳臨三軍牙旗雙立開轅

門周圍森擁百萬甲劍氣射落秋雲考明史成祖

起兵漢王高煦從常為軍鋒成祖屢瀕於危轉敗為

功者高煦力為多正與仲益奉令所作詩意合周王

構成祖起兵時已為建文帝錮之京師安得有奉命

南征事也後又檢都公談纂得所謂仲益卒於漢府

長史者與余言合益信竹垞周府之說非其實也仲

益身事驕王必有如古所謂以詩三百篇諫者在一時

賢傳所當表章其事以補史闕其詩風格老成在三

為王紀善賦獨秀山房歌

樊川自昔佳山水一峰獨秀空中起亭亭削出碧芙蓉影落

太湖三百里金堂玉室闕洞天茲地往往生才賢山川清氣

有鍾屬豈獨幽勝儲靈仙樊川高士王夫子結屋深棲白雲

裏雨晴嵐氣滴硯池日煖松陰流棊几棲遲泉石卧煙霞百

年詩禮猶傳家人錯認武陵道春風夾岸開桃花前年徵
書催赴闕勅輔親藩事朝謁相隨五載到京華祇有山房舊
時月丈夫出處各有時故山猿鶴何由知讀書致用在明世
山靈莫誦鍾山移

送孟用賓服闋赴京

太湖五月南風起高浪駕天三百里孟侯詞翰捲波濤浩瀚
汪洋勢相比君侯自是忠孝家垂勛史冊生光華前朝賜書
今尚在故老往往能傳誇湖州府君耽隱計結屋西山官早
棄我爲兒時常拜之父祖通家已三世後經喪亂兵燹餘踪
迹竄走無甯居爾翁起家贊分閫磨墨盾鼻揮軍書我客山
陰偶相接舊約新知兩相愜酒船看盡鏡湖花雨床聽落稽

山葉此時君家在吳下世故紛紛若奔馬向來俛仰二十年
感念存亡淚成把大明撫運開文明搜羅俊良濟治平寸長
小善率見錄詎使草野遺賢英君抱瓊才負奇氣妙年卓犖
青雲器未容濁水掩摩尼終見天池產騏驥薦書蜚聲達九
重翻然獻賦蓬萊宮朝陽初升海色動獨有孤鳳鳴梧桐紫
皇峩峩坐南面臚傳遠下麒麟殿曉隨龍仗拜楓宸夕縮魚
符宰花縣三年奏績功最優風行百里如傳郵進登王官佐
藩邸坐令曹府生清秋應教金闈侍立室責難陳善操直筆
才欺梁客兔園詞道黜淮南鴻寶術前年辭官出國門執喪
暫住陳家村我從南歸始相見知君乃是湖州孫共談當年
結交意出處不同榮辱異我甘衰謝君壯年不使形骸隔心

志今年制服當告終鶴書催上浮雲驄州家申名選家擬鴻
毛一舉隨天風我昔蒙恩忝微祿孤忠未展身先覆十生九
死許還鄉甘旨家貧常不足送君去去何當還手攀落木捫
天關丈夫雖云四方志依然離別傷心顏我困泥途已頭白
君上雲霄生羽翮莫辭執手尙躊躇從此雲泥兩相隔

丁亥除夜懷黃生

絕域投荒客窮陰欲雪天今宵又除夕何日是歸年孤燭三
更夢空江萬里船老懷甯再見撫景一潸然

賦得七星岩送曾侍讀使安南

岩在肇慶府
端溪出硯處

迢遞交州路風流翰府人詔頒金殿曉香散玉堂春疏爵綬
遐壤掄才選近臣慶逢千載會化浹萬方民捧冊嚴將命乘

槎遠問津周行馳驛騎法象動秋旻使節過南海鄉心望北
辰擬投岩下視那受橐中珍文采昭雲漢聲華動搢紳帽花
珠孔雀衣飾錦麒麟重譯宣天語諸蕃感帝仁龍杓回指日
歸奏觀楓宸

和王孟端韻

蕭蕭兩鬢點吳霜老去思歸客夢長只有九龍山上月夜深
來照讀書堂

畫竹

湘波迢遞楚雲凝欲寫幽懷寄刻藤憶在玉堂同夜直滿簾
霜影對秋燈

鄒緝一首

緝字仲熙吉水人建文庚辰進士除星子訓導永樂

初遷翰林檢討進左春坊左庶子有素菴集

殿閣詞林記永樂十三年六月親征瓦刺于撒里怯
又北之于土刺河八月駕還庶子鄒緝獻清邊頌

書史會要鄒緝自
號素菴精楷書

翰林院齋宿聽琴詩

禁直夜迢遞齋居澹無為同心聿來集良友具在茲懼言適

嘉會秉燭坐彈碁華月照虛牖微風動綺幃上客發幽興援

琴揮素絲一彈孤鶴舞再鼓心神怡清商既激烈雅調亦舒

遲秋鴻唳遠空猗蘭芳葳蕤俯仰極餘韻邈與高山期燕賞

亦云洽傾耳遂忘疲沈吟永終夕逍遙起遐思仰觀庭戶間

爛然明星垂旭景不知曙永言歌此辭

墨緣彙觀王絛齋宿聽琴圖白紙本中掛幅長三尺

七寸九分闊一尺四寸八分中心四週烏絲界一方

欄徑九寸內水墨寫虛堂煙月翦燭鳴琴其松竹坡

石筆墨蒼潤秀逸為孟端佳作左下押孟端王氏白

文印烏絲欄外右下角自題五言長詩一首款無錫

王孟端下押九龍山中道士孟端二白文印紙首上

一宿聽琴詩序其致齋三樂百官既受誓各就宿別

齋南郊誓戒羣臣致齋三樂百官既受誓各就宿別

館於郊誓戒羣臣致齋三樂百官既受誓各就宿別

諸君會宿於厚沈公則暨無錫王公仲益徐公孟昭檢

或談說古今辨論人坐於公署之時字澄霽月色清朗

皆以爲此雖君子論賢而得亦極一時之歡也

禮前數年仲禮以善琴聞當時沈公蓋得其妙因

越和暢其清古淡泊若三代之遺音徐安適疏

者聽之莫不爲之心暢神怡有餘音然震發也坐

乙亥卷五

七

樂而琴瑟不足以前人私也此古之君子所以無
 故琴瑟不治於前成德之本未嘗一日舍之而不習
 以樂為治心焉遊焉精且必取之適於琴瑟之間所以悅
 故其息焉遊焉精且必取之適於琴瑟之間所以悅
 其心志動盪其精神且必取之適於琴瑟之間所以悅
 之為用固非苟悅其音是以謂也今諸君子獲為斯
 會而樂其心難於得琴豈非樂之至者歟夫君子未
 能樂者既難樂而得琴豈非樂之至者歟夫君子未
 暇學而心竊好之況又其所以為樂者又難乎有
 相與分韻賦詩以記述其直且要孟端為之圖而子
 僭序其端云翰林侍講承直且要孟端為之圖而子
 陽世家鄒緝仲熙印裳白文皆方印前首有尚友齋
 文小長錫山下幼裳白文皆方印前首有尚友齋
 陽徐旭錫山下幼裳白文皆方印前首有尚友齋
 錢二人皆端楷徐益三排書各五言長詩一首會
 五言長詩一首類宋克款建蘇伯厚下會棨蘇伯厚
 書題五言長詩一首類宋克款建蘇伯厚下會棨蘇伯厚
 長詩一首類宋克款建蘇伯厚下會棨蘇伯厚
 沈度五言長詩一首類宋克款建蘇伯厚下會棨蘇伯厚
 有印章因其繁未及全錄行楷沈書隸古諸題皆
 石渠隨筆王黻齋聽宿琴圖軸畫七人雜坐秉燭橫
 琴庭軒月色掩映竹樹此蓋永樂三年正月南郊諸

公齋宿翰林院者侍讀曾日章修撰錢仲益徐孟昭
 檢討蘇伯厚沈民則王孟端鄒仲熙共七人鄒仲熙
 作詩序彈琴者為沈民則王孟端鄒仲熙共七人鄒仲熙
 無詩序彈琴者為沈民則王孟端鄒仲熙共七人鄒仲熙
 孟簡二人此可補一則翰林典故也
 田按氏墨緣可觀所紀與石渠隨筆小不同考
 明人倡和圖詳略不家一軸此齋宿聽琴圖人考
 間合有數氏書畫可考者並錄於此蘇伯厚詩云是
 帝本集將諸公詩考隆年並錄於此蘇伯厚詩云是
 署宿齊居蓋諸公詩考隆年並錄於此蘇伯厚詩云是
 澄楚江秋露下九皋流泉響幽澗靈籟起寥廓維
 時雨初霽微月映疏箔薰輕煙裊燭花紅燼落春
 風送餘寒夜久覺衣薄清談整朝冠亦足資一噓相
 對竟忘眠更取茶甌澹澹鳴鶴整朝冠亦足資一噓相
 仲益詩云聖皇重郊禮戒兢晨鐘動高閣錢
 集金蘭朋談柄方疊禮間戒兢晨鐘動高閣錢
 此瀛洲登聽鼓幽綺琴拂朱絲燈初夕復何夕同
 噤日初昇又幽綺琴拂朱絲燈初夕復何夕同
 抑情何勝虞歌悵遠亦徵知音無高士狀掩
 調沈廣陵寥寥太古音千載誰復能若人抱奇才絕
 譽眾所誦下指發妙意於何得師承况今文明運禮

樂方當與以茲絃歌化至和庶其凝嗟子臨老大世
紛非所膺忽聞陽春曲坐使煩襟澄于時春風微夜
寒襲青綾曲罷殘月落餘暉轉觚棱分題紀佳會用
以書刻藤

王璉

十首

璉字汝玉後以字行長洲人立中子洪武中舉浙江
鄉試以薦攝府學教授改應天訓導永樂初擢翰林
五經博士遷右贊善坐事當戍邊宥之除翰林典籍
進左贊善坐解縉累下獄死洪熙初追贈太子賓客
諡文靖有青城山人集八卷

四庫總目璉詩音節色澤皆合古格

姑蘇志汝玉嘗與學士解縉應制撰神龜賦汝玉第
一名大振為文兼古今體製而賦尤瞻麗詩語雋永
得唐人風格
畫史會要王汝玉能書亦能畫
田按長陵與解大紳評論人才大紳稱汝玉文翰不

易得信非虛語汝玉詩沐景暉錄入
滄海遺珠豈洪武間亦嘗遊滇耶

秋夜懷沈秀才

螢栖衰葦寒月斂疏蘿暝羈懷悄無懽卧背風燈影露冷葉
聲翻更深人語定欲取孤桐彈惆悵誰能聽

送別

綠水灩汀洲風起江南秋煙波有孤客關河生遠愁遠愁那
足說惜此芳草歇日暮澹忘歸蘋花悵難擷

為朱仲昂題薛澹園竹

我家昔住吳山麓遶屋曾栽萬竿竹如今見畫卻題詩憶在
山中春雨時暮雲作團飛不起空翠滿衣秋欲洗何當重掃
石床眠一任露華涼似水

題畫

疏煙帶平野閒花落空林雞聲在何許人家春樹陰將尋邱
中侶諧此塵外心幽期儻云遂甯惜露沾襟

答山中見示韻

鶯歇江鄉杜宇悲故人西望久乖離夢因春盡歸常切書爲
山深寄每遲疏雨林邊尋古碣夕陽嶺下謁叢祠匆匆已負
瑤華約別有西風桂子期

雲林畫

羣樹葉初下千山雲未收空齋門不掩禁得幾多秋
林塘佳趣

自脫荷衣別五湖秋風幾度惜蓴鱸玉堂酒醒青綾薄空憶

林塘舊釣徒

題倪元鎮畫荆溪清遠圖

銅官山下縱清遊每爲殍松十日留吹斷玉簫人去久暮雲
空鎖洞庭秋

山行

蘿蔦陰中是幾家青山數轉到門斜桃源祇在雞聲裏不用
緣溪認落花

題畫

渡頭初唱采菱歌南浦西風漲綠波正是晚涼新雨後青山
不似白雲多

王洪二首

洪字希範仁和人洪武丁丑進士授行人永樂初擢吏科給事中改翰林檢討歷修撰侍講左遷禮部主

事有毅齋集八卷

四庫總目洪預修國史會大臣欲載其家瑞異入日歷中洪持不可至聞於成祖前坐謫禮部主事曾榮輓洪詩所謂玉堂分職見孤忠即指是事毅齋集文皆樸雅駢體亦工詩尤具有唐格

送金生歸江南

朔雲千萬里歸興復如何鴻雁雨中去蒹葭霜後多人煙投遠戍驛路出長河惆悵東橋別涼風起暮波

舟行雜興

曠野杳無際孤舟齊魯間河流東下險天氣北來寒古道蒼煙迴長亭落照間微茫雲水外一點見梁山

王達

達字達善無錫人洪武中舉明經為大同訓導以薦遷國子助教永樂初擢翰林編修遷侍讀學士有問津南歸天游梅花百詠等集

田按學士七絕風骨成削殊堪矜賞

題瓶梅

孤山堂下玉層層幾度尋君策瘦藤折得一枝香滿榻半窗斜月帶殘冰

題倪元鎮畫和鄭明德韻

土苔凝綠上松根前輩空留翰墨存寂寞雲林堂下路一峯
殘雨映孤村

初夏題孟叔敬先生隱居

鶴鳴風起竹飈飈細簾平鋪翠欲流五月浩然亭上坐一簾
涼雨梓花秋

王景三首

景字景彰以字行松陽人洪武壬子舉人授懷遠教
諭擢開州知州累官山西參政以事謫雲南建文初
召入翰林用薦除禮部侍郎兼侍講成祖即位進學

士

田按景彰洪武中以浙江布政使安然薦直翰林製
藩王朝覲儀改賜日本書作樂章與京城鐘鼓樓記
黃才伯翰林記但述永樂元年詔侍臣議作樂章學
士王景等擬述以聞知其一年詔侍臣議作樂章學
南休景願錄其詩入滄海遺珠玩其所作亦當時才
士也所擬樂章已具錄首卷

題江南秋晚圖

十年不踏錢塘路江上晴煙渺輕素并刀誰翦秋半簾夕陽
正在西陵樹對之便欲發浩歌西風蕭蕭水增波胥濤已入
亂山去木落臺空幽思多

新春偶成

南來憔悴滇陽客每向年光感去留萬里歸心背殘臘五更
清夢落神州刺桐花發東風早垂柳條長宿雨收便欲題詩
散伊鬱瀘江風浪拍天流

題畫馬

天上房星燭地寒峻崢駮骨落人間如今紙上空形影苦憶
秋風十二閑

蘇伯厚 三首

伯厚名粹以字行建安人洪武中以薦授建甯訓導
遷晉府伴讀永樂初擢翰林侍書遷檢討有素履齋

集

田按伯厚詩不多見竹垞稱其五言有
魏晉風余從武夷山志得其七絕三首

幔亭峯

隱隱虹橋隔彩霞空餘猿鶴怨年華回看滄海須臾事試問
曾孫有幾家

仙館巖

峭石丹青畫不如滿山琪樹學堂虛人間比歲多荒歉好借
琅函辟穀書

仙釣臺

仙子何年把釣竿古臺依舊勢巒崑嚴陵老去能遊此不住
桐江七里灘

曾烜 一首

烜字日章以字行吳江人洪武間以歲貢授黃陂知
縣考最擢翰林侍讀永樂中與修永樂大典再使交

阯卒於富良江

送許州太守陳瓚之任

華星隱廣川驚颿散高樹故人暫離羣跨馬之官去隔浦聞
疏鍾明朝在何處

黃守一首

守字約仲以字行莆田人永樂中以薦授翰林典籍

遷檢討乞終養改汀州教授有靜齋集

鄭岳蒲陽文獻黃約仲永樂間以楷書選赴行在預
修書詞臣有薦其能詩者試中優等授翰林典籍升
檢討約仲詩語意清婉音調和適至今人傳誦之
蘭陔詩話靜齋在翰苑二十年乞終養授汀州教授
其詩五言如雙樹映寒湖一燈明翠微七言如黃沙
白草雲隨馬書戟雕戈雪照營猶見唐人風格

秋山行旅圖

吳煙越樹共依依候館驚心一雁飛二徑秋荒芳草盡亂山
人向故關歸碧雲拂曙迎征旆黃葉從風點客衣聞道滄浪

多應詔明時莫遣宦情微

吳溥一首

溥字德潤崇仁人建文庚辰進士授翰林編修永樂

初遷修撰改國子司業有古崖集

捕魚圖

官河雨後春水渾夾河兩岸皆漁村捕魚但願魚課足風波
雖險甯復論大魚無多趁時賣小魚連船賤如芥漁郎捕魚
莫願貧官河魚米朝朝新

趙玘一首

玘字雲翰祥符人洪武丁卯舉人授兵部主事歷員
外出爲浙江參政永樂初命使交趾還擢刑部侍郎

乙翁卷五
改工部復改禮部進本部尙書改兵部再改刑部有
僧父集

雪

散漫隨風舞回旋體態輕樓頭秦弄玉天上許飛瓊皓鶴來
時誤昏鴉點處明喜看三白兆臚瑞協昇平

高得陽

四首

得陽字孟升錢塘人洪武中以薦授臨安教諭遷高
州教授永樂初改宗人府經歷有節庵集

次崔原撫書懷韻

簾捲東風楚雨斑高堂靜坐一春閒不愁明月隨流水常怪
浮雲占好山乘興自能過竹所問奇誰擬叩松關哦詩卻憶

崔斯立溪上扁舟幾日還

題扇面小景

煙柳含春色汀花媚夕暉白鷗無住著閑送釣船歸

溪亭小景和蔡長年韻

臨水松篁覆小亭看書終日挹清冷抱琴童子來何晚彈與
魚龍月下聽

訪胡宗善

喚渡長堤倚夕陽君家正住錦溪傍東風昨夜山中雨流出
碧桃春水香

鄭本忠

三首

本忠字本忠鄞人洪武中以薦爲昌國訓導遷秦府

教授永樂初仍故官有安分齋集十卷

田按安分齋集四庫錄入存目胡文學輯
甬上耆舊詩謹錄本忠一詩蓋未見斯集也

題卓民吉山水

雲卧金峨白山登玉几青老來時見畫少日謾曾經詩屬林

僧和琴同木客聽披圖追往事幽思入青冥

題竺宗武所藏墨竹



誰寫條條碧玉圖冰梢霜幹墨模糊扁舟忽憶湘江晚烟雨

微茫聽鷓鴣

題畫梅

老來慣識冰霜苦一見梅花如故人何事西湖林處士年來

不寄一枝春



70047821

